

編類運使復齊郭公敏行錄

編類運使復齋郭公敏行錄

國子司業鄧善之選

文卿知州赴淳梁任序

人之所遇有意所甚欲而不可必得者豈特富貴利  
達哉雖交遊會合亦然余始徵詣京師爲詞林屬  
留十年汴梁郭文卿由中書掾佐宣徽院幙薦紳間  
往往言文卿雅好儒術其爲吏慎三尺法而無舞智  
深文以徵榮寵且勸余與文卿交而余竟不獲一接  
其言論以自快及文卿再調都事江浙省凡南來  
者道文卿之善如京師時前年冬余還錢唐居相

隣始得以暇日抵掌論說古今醺酒酣譚意歡甚追  
惟南北十年會合之艱猶若此則夫疲筋力善造請  
以希富貴利達者可以必得耶文卿受易於真定侯先  
生不間寒暑風雨每讀書至夜分乃寐昔漢儒說易  
皆祖田何然學有醇駁嘗愛邵曼容師魯伯魯伯師  
施讐史稱曼容之兄漢與兩龔齊名而曼容名過於  
漢爲吏不肯過六百石然則曼容學易於進退得失  
之道深有得哉初余杜門教授生徒以給衣食一旦  
被徵命適四千里交遊慮余有不釋然者余謂友  
人胡牧仲曰世之仕者或以出處易其守至於困矣

顛蹠爲俗嬉笑今吾此行是在周易履之訟曰素履  
往無咎牧仲喜曰士患不知道耳知之則居陋巷不  
爲憂任卿相不爲榮達乎性命之情而安乎所遇者  
也吾子其慎諸今余委瑣無似濫綴通籍牧仲斯言  
不敢忘也

朝廷命文卿守饒之浮梁行有日矣用敢以予所得者  
爲文卿贈以爲何如也文卿上奉七十之親以孝聞  
其學如百川東注不進不止才猷且將大用教子弟  
弈弈有詩禮風是皆有足喜者余旣叙次其說善詩  
者復歌以繼之皇慶初元正月三日古涪鄧文原序

長篇

俞希聖

江浙東南古都會分 省今爲諸道最間閭鱗次生  
齒繁郡邑蟬聯彊理大薇花幙府羅英賢 公來贊  
治週三年曾中磊落塵不染筆底造化春無邊人皆  
公退閑取樂我獨仕優仍好學精研六畫見太易深  
究四書聚先覺君子之道本諸身指諸事業當過人  
上依 孔孟作標準豈但龔黃相等倫先聲遠到浮  
梁久竹馬喜迎賢太守朱幡皂蓋人羨榮坐見大名  
揚宇宙條風颺暖馬首東折柳爲別何怱怱芝山路

透五雲上早學爾祖老令公

唐理

江東冠蓋地番陽古名藩土饒貢賦夥民衆獄訟繁  
君侯牧昌江高駕朱輪軒五馬雖云榮範之勿使奔  
造次差亭驛休戚繫黎元矧茲凋瘵餘所急究弊源  
力行盡在茲無遠無近先勞民必信心正化自敦  
天無德不來遠近後昆下車與春值花柳正村村  
六條帝鄉人立隆歌守恩仁風被閭井芳聲徹脩門  
明德期  
得物欲昏細侯漁陽政世遠其人存

暄風了水雪鴨綠生瀰茫梁園宦遊客沂舸之浮梁  
維饒作貢士惡能猶相望黃金不恒產誰鑿成病創  
浮梁實附錄又豈無困亡波氓易爲德隱此當如傷  
細侯古詩是勁氣橫秋霜署曹有聲跡況此百里疆  
衣食國之本事必先農桑但知清靜治或可廢折楊  
杯酒韋陶篇博山雲氣長敏手固如此能事在廟廊

唐律

良齋

案牘勤勞自幼年慨然歲晚授韋編姓名亦與廉能  
列鄉里仍聞孝友傳政固在寬頒茲義民雖常愛必

親賢一言爲汝終身戒好惡無私可與權

湯炳龍

千騎如林發虎林昌江耆老望公深純將孔孟

綱常事推出龔黃父母心曆日從頭皇慶遠陽春

有脚使君臨一方小試經綸手早晚登庸作相霖

仇遠

中朝外省久知名上選循良治此城編戶歌謠慶

新守升堂問辨駭諸生蘭舟小作臨岐別竹馬懸知

夾道迎從此昌江春水滿與公心事一般清

陸元德



黃金臺上舊知名 南省彌綸績有成  
新被寵恩臨一郡 要行好事慰群情  
民將草偃歸風化 德若郵傳刻日程  
聞到公來人總喜 兒重竹馬遠相迎

張衢

春餘旬日接年頭 暫駐檐帷上客舟  
入境喜迎新太守 按圖知屬古饒州  
光分南斗文星會 清接西江瑞氣浮  
何況都司曾學相 汾陽家世舊弓裘

史台孫

爲國蒼龜吏 準繩丹心耿耿玉壺冰  
薇花幙次聲名

舊芝檢香中品級增竹馬爭來人似伋仙舟獨往  
世無膺尋常風浪雙溪水與月相宜分外澄

劉鉉

省幙雍容畢簡書又聞竹馬近前驅仕優合繼中書  
考才大猶分太守符冰蘖自持甘味淡繭絲方急俾  
民蘇浮梁人已歌來暮公肯三年負牧芻

施文振

雲氣東來景物明遠迎五馬動歡聲素多能事俾時  
政久歷要途知世情棠國將春比州主茶商說好到  
都城大川異日需舟楫不但浮梁似砥平

仇凡

春風新柳思依依正是衣冠送別時  
華省幾年勞  
簡牘昌江小隊擁旌旗兒童出郭如  
知禮祗席遊山  
賸賦詩興起儒宮寬力役斯文一  
脉賴扶持

屠銓

南省當年上幙賓清名皎皎列星辰  
方資廟筭裨新  
政又作侯藩撫遠人梁上三刀應兆  
夢江東五馬稱  
行春雙溪路可通河漢明見汾陽有  
後身

陳天益

中原名族出汾王仕路軒騰姓字香  
卷裏詩篇新歲

月牀頭易傳古陰陽一麾暫寄南州守萬里遙瞻北  
斗光五馬載將春意去濟人不在一浮梁

許應旂

汾陽顯冒冠中州學問文章號兩優  
微省常時推上客昌江今日得元侯  
事功欲對嚴君問法度惟從古訓求  
老我一氈番水舊喜公分竹解民憂

五言律詩

胡維杓

出守昌江郡香名起省闈春風隨化筆  
梅雪照征衣地沃州應富民淳訟自  
稀汾陽好苗裔合早贊樞機

僧可權

蘭省舊聲譽浮梁政又新文風起鄉校教雨及州民  
湖上千山月江東萬木春汾陽家世遠吾得見斯人

浮梁姚疇上

知州郭侯德政序

雙溪出東北山中會于城南屬舟爲梁故號浮梁風  
氣清激人心易以興起見聞父兄師友誰忍超不善  
者前是弗復論陞州以來民日偷薄富交勢而橫賤  
凌貴而譁長少斷斷寢衰於舊蓋有其故矣 侯來  
是邦蹙然曰民生之憔悴必爲政者未知所以爲政

民彝之泯滅必爲教者未知所以爲教夫人心之靈  
莫不有知一爲利欲之私眩瞶顛倒則不暇察耳於  
是自其躬行心得者求之飭己以廉奉法以公及人  
以恕朞月之間六萬家之衆疆弗友者畏其神明燹  
友者樂其豈弟廼新學廟以敦教養成橋梁以通行  
旅朔 三皇之宮醫藥以濟夭死凡 王政之所急  
民用之所切知無不爲爲無不力而僞增悖入以言  
利剥下奉上以求功則有所不從也大抵爲政而不  
以教其弊必尚法制而以忠厚愧耻之化爲迂廉而  
不能雖不汨於欲第淹淹不足以可爲廉且能矣

距爲智決裂爲斷則不近人情 侯之政不論於末  
由先教而知所本也廉且能而不過用其才由好學  
而進於道也平居見其爲學不務小末邇所從得則  
所言所行必稱 侯先生曰事君之忠曰事親之孝  
曰脩己治人之要若今之所施固特其緒餘然驗其  
中之所存則本領已裕自初政于今五年猶一日公  
私義利之間知之明守之固夫然後信其止是而不  
遷大學之功亦不過如此日需代未至悵然俾諸生  
歌驪駒竊謂仁人君子方其來也如景星鳳凰爭先  
覩之爲快將去也如麗日好春惜分繼晷惟恐其邁

是孰使然意思之在人心自不能已已或卧轍而望  
或聲歌咏嘆是宜樂道其善且以勸來亦願天下  
逢元道州使萬物吐氣豈爲一州以幸吾私哉  
侯字以文齋而復古賢大夫有以勤學好問垂要  
之令名者今學者方新其爲文當不止是復初九  
遠復顏子以之而用工在克己若夫見天地之心  
無極以前之象吁未易置吾喙曩獲分燈夜雪弄  
天雨九周經世十二會雖老矣江山倦游尚期  
相與高步歷覽庶幾疇之之言延祐丙辰仲秋  
士雙溪姚疇謹序



昌江百詠詩并序

淇奧之美武公泮水之頌僖公皆邦人歌  
君之善也有善則歌有過則規言之者無  
而聞之者足以戒詩之義也皇慶壬子

復齋郭侯來尹吾州公明廉惠之政洋溢  
耳目銘鏤乎心肝同僚和衷以治邦人樂  
歌之紀善政爲民謠目曰昌江百詠辭不  
文事紀其實以俟觀民風者得焉

下車先政闢儒宮不但張誇棟宇雄次第更徯加勉  
勸吾身親見漢文翁

公初至謁文廟見幾宇損漏即勸誘儒生隨力樂助成修或造

陳宇  
一新

千古浮梁鎖要津名存實廢幾經春濟川小試爲霖

手從此應無病涉人

浮梁古以浮橋得名歸附後橋廢皇慶士子有以競渡致殺人

者公悲拘管屬龍舟六十餘隻橫江爲橋名以濟衆既革競渡之擾因成濟川之功

抑強扶弱凜秋霜洛膽姦豪走欲僵金石可銷山可

動毫端未易轉炎涼

公廉知豪強侵漁小弱故因事痛懲之雖閭閻百端不爲動於

是豪強  
斂迹

鑒官昔日奠三皇幾向槐宮借講堂此日殿庭新壯

觀蒲階草碧木苓香

前政欲營三皇殿久而未能公營建不日而成而後鑒李有所

宗仰舊日惟就  
李信行乞而已

顛連無告有窮民已沐經年養濟仁  
養濟院舊不底風雨公則然新之無寡孤獨有養矣

庇一朝棟宇喜重新

統糧置局記年年監局人情與限錢今歲但令甘限

狀里胥催辦反爭先

首夏初秋歎久晴竭誠齋戒禱神靈幾番甘霖蘇枯

槁好創東坡喜雨亭

往載金糧多宿弊增虧生沒笑談間遠積舊籍還元

額賴有明公燭吏姦  
姦吏虛走金糧七十餘碩蓋納金者不得免糧而不輸課者反

獲其利公命發其墮得其情遂用舊籍徵金糧額始復

口詞自古出詞人書狀誰知巧撰新不是明公能摘

伏良民寬訟幾時伸

公初至獄有留繫未決公疑之使索書鋪元藻觀之知其入人

之罪究者得雪

癡民背母賣婚書媒妁符同實證虛州尹判官明似

鏡姦豪無計奪貧愚

州民有賣婚書與妻家者其母不知告於官其子及媒妁皆以

為未嘗與某氏結親母不能自辨幾反坐郭知州吳州判察其姦斷還元夫

走稅飛糧役不均混穀玉石偽成真設非挨究更前

弊豪猶皆為漏網人

飛走稅糧官司要嘗拘併而弊愈甚姦豪進產而稅日減善良

退產而糧日增故公欲挨究也

不畏官刑號潑皮良民往往被侵欺一經痛斷仍書

壁應有翻然改過時



徑歲官糴賣土夫專胥破釜攫犁鋤近來何事歡趁役工崔無虧食有餘

省委巡爐偶下鄰米須自糴酒湏沽手遮西日行山

轎父老相傳自昔無

公同省委官取勘發新式沽酒市米小傘肩輿雞犬不驚

市民犬斃使君羊不學前官責倍償絕彼慚顏懷厚

德易牛仁術笑齊王

市民有犬嘗斃前任官羊而償至是又斃知州胡羊民願償

之公但令勿畜此犬而已

泮宮冠蓋亦紛紛講課從來只具文聽講近來官與

吏討論渾不問朝暉

儒孝落成丘經師便更與及官民子弟皆入李聽講維燭始罷

怡怡祿養奉嚴君壽旦團栾酒一樽盡日黃堂聞戲

絲不通饋獻書高門

主首屠兒共協謀撰詞脫判欲槌牛色觀詞聽知旗  
狀抑令誰能更效尤

浮梁今歲定差徭太守公排在一朝吏貼今無涓滴  
水紛紛浮議不能搖

祇候當年過百人不耕而食蠹吾民州官叱道今雖  
少閭里安生氣象春

先尋狀首例相傳被告湏償杖子錢事畢衙番仍賀  
喜始知今是太平年

公以稅錢祇候親身當役故此弊盡革

昌江學校謾多儒經閣從來屬子虛一日洋洋絃誦

起不惟教養更儲書

州李雖有尊經閣而不蓄片紙公贖書以實之

庭揭西山戒諭文同僚相與勵廉勤水南水北歡聲  
遠惠政何愁不上聞

久矣浮梁不產茶課程歲歲只虛加上司嚴令申難  
準姑與均敷有稅家

官薨燒造有專官陳突誅求舊首端不肯瘠民肥貴  
勢匠人窰戶近相安

挨究民田久用心奈何都耽弊仍循重重改正經三  
季始得州家版籍新

墻間有人招外侮符同誣證火其居燭姦賴有神明

見抵罪分明告者虛

酒課更張欲便民不嫌改正又重新公心如秤何輕重當使鄉都市井均

殷勤養老復尊賢自古循良此事先況是此邦多善士崇儒重道已經年

佃有姦頑每負租欺凌田主反相誣裝傷幸不逃明鑑杖遣終湏伏罪辜

上能好禮下興仁解使民間薄俗淳睦族有人捐己產義田義宅濟孤貧

自刑無賴昔爲常惡黨因之陷善良何事輕生今漸



少黃堂政化洽諸鄉

公事悠悠夜便休從來詞訟歎淹留  
圓廳就狀多庭決徃行常空少係囚

官長書街號勸農郊行每歲費迎逢  
我公官榜衙前散公老歡然酒一鍾

上義合都居最末當初已自少科敷  
近來子粒分他處快活翻爲第一都

種桑種棗是虛名今出從今必欲行  
會見甘棠連蔽芾綠陰朱實一齊成

仕優而學古來希每日携書下講帷  
難弟難兄誰得

似趨庭況復有佳兒

爲政由來惠不公能公何惠不明通民胞物與渾如  
此六萬人家肯異同

似石岩岩聳具瞻始終冰蘖守何嚴人言徹底清如  
水縱飲貪泉也自廉

整頓昌江百廢興黃雲棲畝歲秋成從今歲二秋成  
望凡有荒閑盡勸耕

流水泠泠山響靜浮雲漾漾絮浮輕政成儘有絃歌  
暇好是言游在武城

公廉明斷徹霜臺走檄移文日自來拂曉治書深夜

出一輪明月撥雲開

誣告之人罪可誅脅財又復自招虛百端設計殊深

巧一旦傾囊謾貯儲

有告主受鈔自欲招虛畏公廉明乃以所受鈔出首

銀峰昨歲使軺行攬轡觀風獨有聲此日我公兼委  
送已澄清處更澄清

五虎三彪洎水謠害民旋復放官刀誰知神政行鄰  
境百詭千姦次第消

壽老致政嘉議郭公序

皇慶元年龍集壬子大梁取  
適任浮梁知州奉翁就養中  
廼也饒之寓士大夫嘉文卿  
子以養故咸爲之壽且爲註  
作詩之意也序何始詩之什  
者本其情探其志以爲之註  
子革是也斯其未刪時也既  
門人授業傳至後世專門以  
箋傳大小序作焉若毛公詩  
太傳要衛宏又其始也

詩六義此詩於六何當其殆風頌賦乎豳風爲酒介  
壽魯頌頌魯侯以及其親如松栢之茂又直陳其事  
者也上壽一百二十厚祿萬石今茲翁七十文卿五  
品三弟仕未貴顯然而固未可以爲詡也詩之序之  
者何期翁與文卿及三弟也翁善人能迪子文卿良  
子爲賢侯篤師不廢學用能養親揚名于聞善人天  
所開學祿在中則翁壽可上文卿三弟祿皆可厚也  
詩之序之可也非詡也詩既著于篇爲一卷士大夫  
爲詩者曰永康胡長鑣汲仲文宜爲序會有故授筆  
弟子寧海舒叔獻吳四張復亨使書其辭以爲詩序

三月辛亥哉生魄序

趙鎮遠壽詩序

皇慶元年春三月 復齋郭侯守浮梁下車即迎拜  
迺翁至郡翁年七十以良月初六日慶初度郡大夫  
士欣然曰有壽可以待子之貴有祿可以及親之養  
人生之罕遇天下之至樂也西漢萬石君四子馴行  
孝謹秩皆二千石長子建官九卿君尚無恙史臣美  
之翁自大梁來江山景物鳩杖遊歷中原雅致見者  
傾盞觴酒豆肉居祿養之榮收義方之效食陰德之  
報肖之壽子之貴相湏而未艾也侯孟第應門仲第

戎賸輅假扶持季弟承宣  
省亦且至膝下郡人將  
繪爲慶圖絃爲美詩雙溪  
上趙鎮遠爲之序

古風

盱江揭祐民

浮梁刺史初分竹便覺榮親  
有餘祿異時滄隨親亦  
歡何況珍鮭滿盤足春風  
葦堂折銀甕香霧浮甌飲  
醺醺玉奴翻手生紅雲朱  
辰清謳轉新曲就中一曲  
胎禽下錦字啣來有華籙  
賜以鳩杖封以郡嬰鑠尊  
前鬢雙綠況今兒作民父  
母唯諾愉怡移薄俗州家  
美政報翁知勝於放鶴獻  
生鹿

潘東明

梅花角聲動江路橘苞棋局留仙霧小寒六月天氣  
佳七十翁翁慶初度金章紫綬老萊衣犬椿庭下生  
光輝人生有祿二千石養親白髮天下稀傳家累世  
一清白邦人健羨汾陽宅閉門却掃無車塵菽水清  
歡逾鼎食由來平治本脩齊施予有政皆其餘舊家  
舊建莫專美公家盛事不一書我來相慶爲公喜把  
菊持觴歌兩語願公大兒二十四考書中書而公一  
千二百年壽如廣成子

律詩



錢唐俞希聖

汾陽芳譜與今同壽相家聲有祖風積慶子爲賢太  
守稀年人羨老仙翁遙知畫戟朱門處便是瀛洲閬  
苑中盛事喜聞還樂道聊憑去鶴寄詩筒

永嘉林德芳

精神久羨地行仙鶴髮方瞳五福全湛露恩深金掌  
潤德星光聚彩衣鮮翁躋壽域逢希歲兒擁州麾喜  
象賢姓字已登群玉府人間那識大椿年

涇西劉恪

人生七十古云稀福壽如翁殆庶幾翠栢蒼松堅晚

節紫袍朱紱映斑衣身宜晚歲逾強健眼見諸孫各  
奮飛今日昌江民快樂事二如一斷無違

古涪鄧文原

漢庭太守二千石洛社耆英七十翁隱几心知無物  
累同舟人望有仙風香生燕寢爛熳樂祿得腴田滸  
澹豐東閣郎君皆可意南陔詩句若爲工

南陽仇遠

曾識昌江賢史君知翁家學有淵源年開七袞方  
清健天與諸郎各粹溫華袞䟽封榮錦誥綵衣羅拜  
壽金樽三陳五寶真堪比自古汾陽是慶門

金華毛翼

家傳詩禮薄羸金汴水耆英七十春長子朱幡初出  
守諸郎丹紱各逢辰浮梁迎養主田沃禁闥催封寶  
誥新畫戟黃堂爲壽處愛親錫類及人親

浮梁方玉父

戟門冠蓋集如雲共慶椿年第七旬萬石尊稱良吏  
父三牲榮養大夫親洞庭仙橘霜前景東閣官梅雪  
裏春珍重郎君朝服侍隔簾驚動座中人

趙鎮遠

見年富貴已憑熊况有椿庭七十翁紫氣長留香篆

裏紅塵不入酒盃中景星明潤雲霞曉良月陽和草  
木風四海一家同孝弟直疑汴水在江東

姚疇

角巾蕭散漢林宗梁苑清芬播楚東六萬家齊呼大  
父二千石貴奉尊翁小春紅萼舒晴日晚節黃花立  
曉風應祝兕年還似我萊衣此會戲庭中

閔全

公年七十記生初坐看佳兒綰郡符鳩杖迎春香露  
透熊羆拂曉瑞雲扶盛開洛社耆英會重展汾陽家  
慶圖談笑定知無俗客梅花千樹說西湖

閔齊

郎官官貴擁朱輪鶴髮翁翁七十春清氣中州分月  
露祥光南極現星辰黃花對酒有佳色玄塵揮塵無  
雜質祇恐漢庭思用老商顏還訪采芝人

鄭思道

官舍冰清案報衙親年希有樂無涯乾坤不老八千  
歲父子齊名萬石家簾外秋香浮菊水酒邊春信在  
梅花汾陽盛事今重見留與邦人久遠誇

方仁存

有子榮分竹使符黃堂高會慶垂弧浩歌工部希年

句重畫香山九老圖霜滿洞庭留橘隱春生東閣伴  
梅臞阿翁爛醉邦君舞此樂湏知古所無

壽詞水調歌頭

姚堅

菊耐九秋晚梅接小春回乾坤好景如此初度笑顏  
開湏信人生七十那更公家萬石有子亦奇哉盛事  
寫圖畫和氣藹樽壘汴梁客東滄海北燕臺雙溪  
人士多幸鳩杖日徘徊重見汾陽富貴更作渭川  
勳業白髮未相催起舞爲公壽瑤鶴下蓬萊

壽詩後序

沒儀李鳴鳳

仕宦至五馬亦榮矣未若祿及其親之尤榮也古人  
願三釜養親矧貴爲二千石哉分千室之寄任一郡  
之重垂紳正笏立乎士民之上官可行志祿可及親  
此不爲榮孰爲之榮必曰仕不至卿相祿不逾萬鍾  
皆不爲遇此非知道者言也遇在天行志在我苟存  
心澤物雖一命亦可矣豈必卿相萬鍾爲然使貴爲  
卿相祿萬鍾矣利澤不加於人名聲不昭於時功業  
不著於後謂之苟生可也吾意爲其親者未必樂也  
曷若啜菽飲水不貽親憂者爲得邪孟子論君子之

樂以父母俱存兄弟無故爲一樂世未有知者方多  
隆名顯爵華居良田出入騶從溢衢路衣綺縠之妾  
環左右文繡被墻屋芻蕘飽僕馬昆弟親戚或操瓢  
爲溝中瘠有不恤矣奚鄉黨鄰里計哉由是言之仕  
而至於祿能榮其親詎非樂歟浚都郭侯文卿由  
江浙行省都司出守昌江致政翁適年七袞四子競  
爽朱紫烜耀人皆以致政翁積善所致侯又謙虛好  
學政事精敏且其仕登顯宦祿有圭田逾於三釜萬  
萬而侯之諸季仕路方開致政翁之被榮養固未艾  
虎林之士九知侯者皆賦詩爲翁壽金華胡汲仲旣



序于何公因識其意於後云浚儀李鳴鳳

章之才壽知州郭公詩

中州淑氣積扶輿碧眼仙人玉帶圍循撫久煩廉叔  
度治平新詔尹翁歸庭前的皜三珠樹堂上爛斑五  
綵衣留與江南傳盛事梅花笛裏鶴南飛

吳鵬飛

曾騎竹馬候江濱又見黃堂五度春吏瘠民肥千里  
治父慈子孝一家仁詞人競獻長生頌畫史偷傳不  
老神歷過汾陽令公考却騎箕尾上星辰

鄭蘭玉

水滿雙溪春滿城文星光擁老人星鶴飛曲裏梅千  
樹燕寢香中草一庭黃閣未傳新姓字青山猶是舊  
儀刑樽前不用呼瓊玉竹馬小兒金字經

俞彥聖

上元燈火又經旬崧嶽當年喜降申雪霽溪山官路  
曉春風桃李畫圖新由來天下神仙客定是朝中砥  
柱臣但願我侯長不老年年此日慶生辰

操智達

清曉霏霏瑞霧香喧闐簫鼓慶汾陽欣逢麟綬開祥  
誕佇立龍墀錫寵光東閣觀梅吟興達南州騎竹頌

聲長有負滄海為公壽婉婉歌雲勸玉觴

鄭子寬

今朝崧嶽降生申紫綬金章天上人  
蓬矢呈祥正月  
候芹宮樂育五年春綺羅隱映斑衣爛  
簾幙低垂玉  
樹新滿引霞觴稱頌處從茲眉壽比靈椿

方則芳

瑞靄梅香曉氣新黃堂笑語慶生申  
大賢出際三陽  
泰小郡期蒙六載春臂健調弓飛白羽  
心清覓句岸  
烏巾汾陽留得家釴在佩玉腰金侍大椿

姚希愈

坡老身居翰苑年茲晨重慶左弧懸首開甲子初春  
後近在中和五日前風動香芹浮半水雨晴瑞麥際  
遙天冠帽借重山州願

玉殿除書萬里傳

尤子嚴

燒燈節過恰經旬四見黃堂紱玉麟民物俱蒙皇極  
福耄倪同祝宰官身古來多壽惟仁者今喜爲邦有  
善人細讀魯侯千歲頌宮槐壇杏一殷春

尤子勉

竹馬兒童戀細侯壽觴載祝使君留三陽彙進參義

畫五福月來滿禹疇絃誦萬家春  
盜盜蠶耕千里日悠悠狄門桃李  
多豪雋長傍公家十二樓

宋則翁

儒宮煥飾甲江東多士名香貢籍中  
但願狄門桃李盛一齊噓拂借春風

戟門又慶左弧懸花市歡聲沸管絃  
昨夜雙溪溪上望文星輝映壽星躔

七言絕句

操貴持

燕寢香凝瑞氣浮元宵燈火隱旬留  
靈椿不老芝蘭

秀待到貂蟬尚黑頭

細侯在昔守漁陽五載承流政績彰此日聞孫傳郡  
諸家聲依舊漢循良

坡翁分竹五年中詩興中和萬里風太守文章多善  
政官牆特筆紀新功

曉來膏雨總添春垌北洪鈞一氣新柳染腰金催上  
色梅儲調鼎辦含仁

良齋先生酌倡詩

良齋先生寄贈

復齋郡侯唐律一首侯以示諸生謹相率用  
韻以紀一時師友之盛云

令下能如草偃風民歸復若水朝東是非殽亂由多  
欲邪正分明本至公時論已傳今勝昔汝心當以始  
要終三年平地爲山了九仞無虧一簣功

復齋使君始至浮梁示予以

良齋侯先生迭行詩可謂聽其言也厲今觀  
此作亦復如之令人起敬不已二詩當聯爲

大軸傳之天下使凡爲師爲弟子爲學爲政者皆有所矜式豈小補云乎哉皇慶甲寅正月旣望昌溪吳仲迂書于郡泮

微雨絲絲颺好風泠然來自浙雲東乾坤二卦分全易艮復兩齋皆詎公去日當如來日葺先天直至後天終吾民涵詠恩波裏孰識師門講貫功

雙溪方玉甫

善頌洋洋繼國風天球琬琰各西東先生在昔侯師聖弟子當今郭令公講學不離仁知勇爲邦必慎始衷終從知師友淵源正大展真儒濟世功



趙鎮遠

坐挹西湖楊柳風題詩飛寄碧雲東善言千里同聲  
應惠政三年衆譽公復道有來還有往艮山成始又  
成終行藏師友曾商訂禹稷顏回各有功

姚疇

師門立雪坐春風別後題詩寄楚東凜凜法言推大  
匠洋洋善頌屬明公知行本領誠爲貴擇守工夫勇  
克終更卜勞謙君子吉美歸於

上不言功

戚廷鳳

刪後無詩返古風先生筆力障川東聖賢心法神明  
易宇宙陽和天地公師訓以規非以頌侯邦知至可  
知終行雲待得爲霖了潤澤蒼生不計功

方希愿

朝廷有道振儒風太守聲華曉日東扶起六經尊孔  
氏掃除異論本文公聖人乾健元無息君子謙亨  
自有終待得明年歸衮繡籌帷密運策奇功

徐雲龍

楚泮衣冠鄒魯風使君佳譽謫江東疑章盡黜諸家  
異議政惟持一字公此日先生高屈宋他年弟子壓

嚴終師門相業香青史千古河汾講道功

宋元輔

獵獵雙旌臨 凱風分符嘉與易俱東畫前欲問包犧  
氏玆上知逢石公朋自復來占利往物從良上驗  
成終兩齋同道相師友會見真儒善治功

吳韶發

侯芭學易有家風弟子聲華藹楚東義理七分宗正  
叔象占二字取文公來詩展轉無他意苦語丁寧成  
積終他日師門重相見定應撫手賞新功

章穀

昌

二六

唐律能追古國風絨題遠寄楚江東磨礱德義真先  
輩游戲詞章亦鉅公師道何妨相爾汝躬行是必謹  
初終他時相業齊芳杜始信河汾講學功

昌江方希愿上

復齋說

大梁郭侯文卿治昌江之又明年而與人誦之百發  
具興而民不知役一廉自律而浩然無餒公退以詩  
書淑士尤喜談易揭復齋二大字榜其燕寢蓋有得  
於涵養之素體驗之餘而非徒誦說云爾侯之雅志  
可尚已徵言於予予曰昔人以復名齋朱子之告黃  
君仲本者具矣何辭之敢贅抑大傳曰復以自知蓋  
以學者各有入道之方得之於自則有難以一槩論  
者獨不可求朱子言外之意乎在卦六爻皆以反善

之義爲重而初九一爻在下爲復之最先故謂之不遠聖門獨以剛明之顏子當之千載而下未聞有能當之者豈可無一人至此地位邪抑功力次第之不竟耶顏子之復見於易顏子之所以復則具載論語一書吾夫子之警發顏子者在克己復禮一語而他日評論其終身所到則又曰不遷怒不貳過夫天理人欲相爲勝負戰而獲勝之謂克克乎彼則復乎此此以得力言可怒在物而不遷在己少失於慥而不萌於再此以用力言合二章而觀則顏子之所以復者可攷矣然怒特七情之一何獨舉其一而遺其六

蓋怒難治也一情治則七情俱治舉其所難則可知其所易過與惡異仁者無惡而過或不免先儒謂顏子無形顯之過念慮少毫隨即覺恬然一事之覺何以使百事之皆當蓋其聞一知十之資觸類而長不必件件歷過而春融冰釋自然至此不遷不貳此正顏子持守之驗此顏子所以爲不遠之復侯內重外輕明體適用而學顏子之樂自今蒞政臨民則必惕然懼曰彼蠢然無知者悍然弗友者亦天地不肖之子教化得無有未洽乎吾可有忿疾于頑之心乎處已接物又必悠然思曰天下事物之理無窮酬酢萬

變之匪易若然者得無尚有闕乎吾可不盡天下之  
議乎復焉執焉之謂賢聖人無復常人不能復復賢  
者事也然復非難也復而能守爲難顏子之學正得  
於守者如此 侯之復之守余固有以知之矣然區  
區猶有望守之益堅行之益力以是道終身可也由  
一州而達之天下則四代禮樂疇非時措之宜宇宙  
動植咸被無窮之澤侯勉乎哉余客侯館下且三載  
茲將會試

京師而侯之得代伊邇少寓贈言之意時延祐甲寅  
日南至館下士昌江方希愿再拜謹書



浮梁州建學序

瀕江饒爲大郡浮又爲饒大州人禮樂而家詩書菁  
莪采芑有自來矣比歲司牧者不審政本之由廟學  
隳圯衿佩挑達深有負

綸綍教養之恩皇慶初元之三月汴梁 郭公復齋  
植節是邦政有清白聲歸然獨立下車初首謁

宣聖見舊廟淺窄上雨旁風愀不自安毅然以 宮  
墻爲已任知所本矣廼集邦之賢大夫士議而新之  
而士亦感奮竭力以從選邦之廉能玉林方直大菊  
東趙鎮遠晉齋閔全皆嘗爲郡文學者董其役良材

美器川瀕山積工師效良並手偕作充拓舊趾建  
大成殿講堂經閣門序廊廡庖湑從舍整然俱備高  
明壯麗表於江左故生徒有齋賓客有次侯伯大夫  
有脩容偵謁之所召役不驚未朞月而落成昔范陽  
祖君無擇知袁州相

夫子舊廟陝隘不足改爲之李太白稱其賢而爲記  
愚嘗觀前代記建學者惟太伯之文興起人心維持  
世教讀之令人肅然起敬當時守是邦若祖君無擇  
亦相與爲不朽視吾郭侯無媿焉余竊迹儒宮見  
聞其實喜而叙其畧以俟當代燕許者筆之詩曰

太守文章間世雄下車首建素王宮千尋梁棟  
霄上一郡衣冠雨露中人喜忻懽皆盛德我驚突兀  
有神功無窮美譽留金石今古中書兩令公

是歲九月一日癸巳前征東省提舉儒學古番潘  
東明敬拜書

方玉父浮梁橋詩并引

徽水隨山北來至城南始浮木而度郡之名  
昉此舊有橋廢者五十年太守復齋先生  
下車未半載斯橋重興江山還千古之奇人  
物聚一時之盛喜甚欲舞情見于辭

重建輿梁古道通溪山收拾畫圖中彩虹冷浸秋空  
碧鐵鎖橫施夕照紅擊揖聲傳千里外回淵力障百  
川東橋成不假相如筆萬口同稱郭令公

趙鎮遠

十載成功在一朝浮梁重見作新橋山連海上金鰲  
背天掛雲間玉蝀腰人自北來行古道水流東去戀  
清朝倚欄無盡滄浪意聽取漁歌答暮潮

潘東明

新橋東障雙溪水神遠人稱太守公鐵鎖萬鏐橫海  
鷗盡闌千丈架天虹行人穩步青雲上豪客高歌夕

照中我欲醉揮題柱筆爲公磨石大江東

閔全

跨水備梁古道通溪山俯仰百年中西風畫舫聯飛  
鷁斜日紋波飲渴虹揮筆已躊題柱客作舟會辦濟  
川功此中快有乘槎便蚤侍香雲一朵紅

閔齊

濟川久待作舟材城郭歡傳太守來古道重興千載  
發群艘宜障西溪回鯨鯢背負滄波月車馬聲驚白  
晝雷草遠沙平官路遠驛亭開到小春梅

余周錫

新作長橋似砥平雙溪小與政俱清玉虹橫卧秋江  
冷盡鵲癡飛夕照明野渡已開時宰識與梁預報歲  
功成了無私惠如漆洧鄉校從今藹頌聲

宋則

小試濟川手新橋偉觀成雲浮鼇背穩水響馬蹄輕  
驅石疑神助捐犀媿客情江山圖畫裏千載使君名

番禺錢章

古稱潁江之郡惟饒爲大饒之支邑浮梁爲大蓋上達衢信下逮徽池環山皆萃衆流演迤畎畝滋沃疆場恢曠民庶繁夥士氣超卓然俗尚勁悍雖民無囂狡而釁隙易開吏乏循良而侵漁無數事務繁劇素號難治

皇元陞爲中州第彼子男進爲侯伯品秩日穹庭階日峻而地不加廣民不加多所以任貢以奉其上者無寧歲幸天厚此邦俾

復齋郭公一麾出守以蘇民瘼其爲政也嚴而不猛

寬而不流不旬月間汚染丕變嘗謂穀祿不平賦役不均則民不可得而治故孟子曰夫欲行仁政必自經界始於是集耆宿諭權奸覈版籍明等色正頃畝復爾減削蠲彼楮配由是稅賦大明毋敢欺誑故荒役有倫催科易集道無餓殍野無逃民簡簡穰穰不知遊衢擊壤之樂其樂也越三年欽承

明詔經理田糧饒之州邑騷然大擾惟浮梁民業按圖供報曾不勞力而侯又蒙被

省檄經理金陵數月之頃報政言還非侯之明敏能如是乎他如重建學宮作養後進佩衿濟濟文風蔚



然其所以宣明教化者又如此新梵宇以上祝

聖堯成浮橋以濟行人創三皇之廟以濟民於仁壽之  
域皆政事餘力所覃也又能潛心易學以明參天地  
贊化育之理故能永蘄自持終始一節僕番易吳德  
昭也雖未及識 公有來自浮梁者談侯之善亶亶  
不休故悉其槩歷五載始得代舟經城下幸承顏接  
辭始信客之云云者非溢美也於其別故作序以饒  
之其遺愛在人雖不能枚舉僂數姑據所聞者言之  
然言之不足復作昌江之詩五章章四句以永歌之  
歌曰

昌江之水清且淺兮胡不膠侯之舟毋使遠兮昌江  
之石堅且大兮胡不柅侯之車毋使邁兮昌江之民  
繁且庶兮胡不繫侯之馬毋使去兮舟日遠矣車日  
邁矣馬弗能繫爾奚賴矣侯今往只爲雨爲霖願滂  
餘潤漑此紫陰

古體

鄱陽周伯顏

昌江美化五載餘民心借寇何渠渠農桑千里爭買  
犢冰雪一清逾懸魚寒梅吹香夾道送明月滿載歸  
舟虛此行端的繩祖武二十四考居中書

鄱陽徐天麟

相知五載不相識爭說昌江刺史賢自有此州無此  
守既歌新學又新田椿松不老娛朝夕花柳無私閱  
歲年食蘄飲冰心匪石割蛟刺虎力回天旌旗交餞  
人遮道琴鶴相隨月滿船醫國濟川俱善政豐碑會  
見爲公鐫

唐律

番禺徐省翁

桃李春風六萬家下車民不識州衙甘棠應有千年  
愛美玉終無一點瑕訟簡自隨琴外鶴賦平誰歎缶

中蛇邦人更致攀轅祝歸願新堤早築沙

番禺吳旭

昌江分守著能名栢府薇垣盡有聲  
易究先天含化育政成五載頌廉明  
金臺此去應重建汶馬何時擬再迎  
好向中書繩祖武大爲霖雨福蒼生

七言絕句

番禺蔡儒實

文采風流薇省郎一麾出守惠浮梁  
作新士氣蘇民瘼五度春風燕寢香

訟簡徭均吏不欺農桑田井樂熙熙  
黌宮祀宇郵亭

路盡是邦人去後思

蔽蒂甘棠坐鼓琴文章太守雪霜心喧啾百鳥聞孤  
鳳此地月明山水深

萬人祖帳去舟空解組歸朝氣似虹帆到潞河冰始  
泮黃金臺上又東風

古詞

百字令

鄱陽朱友聞

芝山如畫五年間多費黃堂心力南國重來棠蔽苦  
壓盡江東春色畎畝堯民水雲楚澤鶴去遙天碧書  
船歸後思公惟對周易月下濯足滄浪笑他漁父

只識磯頭石豈不興懷攀轡覩馬首髮蒼鬚白人意  
綢繆

君恩深重夜看星朝北茫茫煙海浮梁能幾千尺

沁園春

方希愿

畫戟清香綠鬢朱顏當代偉人任宦情澹泊歸舟空  
載蒲腔惻隱噓律生溫襦袴歌謠佩衿絃誦留得甘  
棠千樹春昌江上把它年政績寫入堅珉 曳裾曾  
客公門只冰雪相看意自真更研朱點易幾回清夜  
對梅索句長記芳辰風雨情深江湖興遠咫尺  
清光立要津長亭路但相期汗漫上下龍雲

李天應上

秦郵使君 郭公善政頌并序

至治二年公自中書檢校出守秦郵以八月一日視篆于黃堂至冬末復膺

新命同知兩浙都轉運鹽使司事公在郡半年廉直清明植善去惡崇尚儒士惠恤小民其於勉勵學校作養後進用情尤著闔郡城士民之子弟就學者皆欣欣奉 教命朔望謁拜

先聖環列明倫堂上下各試其所習以學者

之通不爲其師之殺最以激勸之由是曰師  
曰弟子德業咸進高沙昔號多士比益凋喪  
今公能興之文風之盛當復自茲始其化民  
成俗之功雖蜀之文翁不是過也公撫字斯  
民凡可以興利除害者靡不究意固不可枚  
舉而指數之惟公將去此而適淪也故士與  
民皆惜公之去雖陳辭繼繼而莫能留公亦  
恨不果終惠於斯之士與民也雖攬轡彷徨  
而莫能止僕隱於客者知公爲政之善敢摭  
其彰彰者爲頌以餞 公尚冀公以欲終惠



於此邦之士民者而施之江浙之士民則彼  
之感恩者與此奚以異而區區之期公於將  
來者又豈止如是哉

頌曰

倚歟使君博識洽聞既迪以武復尚以文揚歷膺仕  
氣槩邁群惟廉惟直以敏以勤檢校中書憲竭誠摠  
有紀有典不疾不徐四方具瞻大播令譽策勲上考  
牧守是除惟此秦郵事劇民稠實當孔道南北所由  
號曰難治公勵以優餞往迎來靡不備周公之撫民  
寬猛適均肅之以秋煦之以春恩施民懷教出吏循  
推誠而行政以日新崇儒尊經庠校以興善者知勸

不能是矜青衿如雲明倫畢登誦聲琅琅是式是承  
休沐餘力射圃斯即弓矢既調正鵠必得射夫孔多  
惟公是則弭節韞弓以宴以息公臨是邦百穀豐穰  
民有餘食官無負糗民歌于道吏慶于倉天哀民寒  
一冬恒暘民懷熙熙公心惶惶齋沐虔禱黜陳靈場  
玉芟闡秘嘉雪呈祥編氓鼓舞歡及鄰疆民之仰公  
執熟以風昔之寇恂今之文翁公不可留簡在

帝衷

帝命公往淞江西東煮海潤

國厭賦惟豐漕牧有長

公職攸同迓車在門去意

忽忽公之遺愛棠陰蒙蒙惟棠有陰式慰民心公材  
匪他檜栢千尋

廊廟之需棟梁之任匪朝伊夕

丹鳳

德音促觀

嚴宸載驅載駸鼎鼐是居爲雨爲霖鰥生倦遊息羽  
喬林祗頌盛德配古示今

頌畢復繫之以詩

九天辭

晃旒一麾來兩陬遙遙數千里駐馬臨秦郵兒童夾

道迎再拜稱  
賢侯黃堂視事初  
剖決無停留民懷  
下知畏善政日以優  
青青子衿輩烝徒  
揖其舟課試嚴朔  
望德業勉進脩勲  
名慕臯契事業齊  
伊周美哉君侯德  
乃與天者遊

丹宸

眷注隆

國賦勞紆籌促裝  
向淞右孟城焉可  
留同握漕使符  
指揮數十州秦郵  
去賢守老穉思悠  
悠浙江萬餘  
竈坐使恩波流懸  
知使君心報

國先民謀

至治三年歲在癸亥正月望前三日翠壁隱者  
李天應拜手書于寓隱書房

高沙高方桂餞郭侯詩并序

詩云樂只君子民之父母斯言何謂也蓋

牧民之官與民好惡之心相近推其愛民之心如愛  
子之心痒疴疾痛必先知之此之謂父母也嘗讀漢  
史循吏傳古人爲牧守之吏立傳乃分循與酷使人  
知有循良慘酷爲後世之龜鑑也循吏中不過十餘  
人以是知循良之吏不數也中間吳公治平爲天下  
一其文翁石蜀常衮在蜀吳公他無治政可致惟有

薦賈生一事而已他日賈生爲漢陳治安之策開四  
百年太平之基豈不韙歟文翁常袞閩蜀之間建學  
立師以開人心萬世之聲蹟此三賢守以薦賢興學  
建師其有功於後世者大矣龔黃召杜不過以慈祥  
仁愛以得民心漢帝有曰與我共治者其惟循良二  
千石乎古人待守土之臣眷且重也我

聖朝一統天下車書萬里普天率土莫非王臣其眷倚  
守土之臣惠至渥也高沙居淮之東南北孔道迭往  
迎來非有通今博古之學剗繁治劇之才則不能也  
今太守 郭侯家世古汴簪纓芳裔襟度汪洋智見

高偉深通義易四書與旨淹貫該博可謂文章詩書  
賢守又且律身廉潔一清如水爲政以不擾爲主慈  
祥寬厚高郵兩城五鄉受公之惠甚如父母之愛其  
子也其薦賢興學立師若吳公文翁常衮繡復見於  
聖明之世下車以來未及半載忽欽承

宣命就任美除兩浙鹽漕民不忍其去借寇亦無計矣  
嗚呼高郵淮海揚州屬邑環以重湖形如覆盎水澤  
之國也今喜鴻鴈安澤無流離嗷嗷之憂則鷺鷥野  
鷺聳肩窺食不得伸其喙展其翼蘆花張空無滿意  
飛舞於西風中矣叫囂隳突之跡甫息雞犬之寧未

幾柰何天不我與奪我父母不得樂三年治政和氣  
之中愚想蘇堤春曉湖山景物必有待其人矣學校  
之地大殿兩廡多感心勞近喜落成未遂全璧愚學  
校耆儒首蒙眄睐犬馬之齒八旬有一忍對東風以  
寫餞行之詩學校拜 公盛德諸生以詩餞別俾桂  
序其卷端於是親作親書以爲千里舟中一笑云至  
治癸亥正月上元日高沙耆儒玉巖老叟方桂拜手

△古體

秦郵郡庠冷掾洛陽劉克敬

賢侯治淮郡五馬生輝光報



國寸心赤憂民雙鬢蒼襟懷抱正氣凜然若冰霜向善  
去惡黨扶弱摧豪強嘉聲藹千里美化傳一方民歌  
五袴謠在處遺甘棠父風日大振弦誦聲洋洋重湖  
隔線堤洪流詎能防蹙石力欲捍水爲除民殃曠旱  
事祈禱瑞雪隨飛揚農夫樂曰野文儒誅篇章半載  
百廢舉善政真龔黃

丹詔忽飛下榮除復餘杭使節佐均輸

國課湏賢良談笑了鞭笞西湖具遊航吳山麗清曉蘇  
堤艷春陽使君足行樂柰此孫秦鄉無由願借寇  
士庶徒彷徨朝來促行色風帆舞牙樯此去豈易留

早願登

朝堂大展作霖手 德澤均八荒

唐律

申屠伯騏

手把州麾秋涉冬傳

宣早出大明宮未成湖上包隄志先試江南煮海功治  
行芳名騰墨刻去思遺愛播清風

朝廷遴選循良吏會看弓旗再召公

張礪

秦郵黌舍讀書聲後進英才賴作成萬里雲霄仕途

遠九天雨露

聖恩榮錢塘江上春風煖  
甓社湖中夜月明  
此去離司難久  
屈鹽梅  
卽日用調羹

張煥

新恩不待成瓜香  
民瘼纔瘳又促裝  
半載爲邦臨甓  
社一朝分漕調錢塘  
雪漫鯨海吳天濶  
月送鷁舟淮水長  
回首湖山千里隔  
春風吹恨滿甘棠

張文綱

春滿黃堂萬姓安  
忍聞中道促征鞍  
一鞭山色詩魂壯  
半夜江聲客夢寒  
落鴈盟淮月冷高  
鵬路浙

雲寬官情只在西湖上笑撚梅花帶雪看

崔裕

竹馬迎來半載餘政聲早已動京都

天邊雨沐新春澤江上山迎舊使車棠蔭愛心遺

甓社梅花清夢遶西湖此行小試經綸手名覆

金甌看異除

李槃

半載承流善政新除書早已下

嚴宸移將甓社一輪月去照錢塘萬龜民水火相成功  
滿世摧衡若定政如神能調衆口均甘苦金鼎梅羹

待此人

許士權

數月秦郵草偃風 使輶又駐武林中  
八珍欲試和美手 萬竈先施煮海功  
每爲苦辛懲利口 自甘清淡畏

天聰江梅盡與鹽相得 惟有孤山香不同

樂府太常引

劉忠

少年南北快飛騰 身到處有佳聲  
競社化纔行 又出使餘杭故城  
春風滿路堤邊楊柳難繫去 留情何

觀望

台旌泛千里孤舟月明

秣陵存耕陶璞錢

郭侯浙漕之任序

子曰事親孝故忠可移於

君大哉言乎余服膺久矣近承乏海鹽州文學掾南北  
諸士友來游者不少每評人物則謂堪輿無垠林有  
隱豹市有鞭鸞當道豈盡無臯夔其忠曾閔其孝者  
哉合臯夔曾閔爲一者難耳惟汴梁 復齋郭公至  
孝一方寸中天母地與日月相爲悠久故其事

君也忠自少年以儒飾吏至於爲檢校爲都事爲經理  
委官德在身澤在人名在中外昔張忠定公治蜀五

年方成一信字 公知浮梁州事未五年而信已成  
德在身者盛澤在人者深名在中外者重及知高郵  
府事未五月政已報聲實流于

朝以鹽爲江浙第一課命 公同知運司事革舊弊敷  
新政未半年課將完而德愈盛澤愈深名愈重矣

公視宇宙間可休可戚可好可惡之外物一毫不以  
動心常稱朱文公謂吾平生所學只正心誠意四字  
我豈可不如朱文公左琴右書朝蓀夕藿家無私積  
門雀蠹午惟熙熙然曰吾床頭易在足矣又介介于  
興學勵士有文翁風庠序音聞金石而道不夜又



念民胞物與痒痛切身安老懷少使各得所本農末  
賈桑穀千里居人莫枕月無吠厖太平氣象康衢同  
樂不專在富貴家歌臺舞榭絃管鐘鼓中或者狼狽  
蛟蜃血人于牙則筆下秋生一簣殆盡雖呻風喟雨  
詭濤駭浪之濱竇采備欲翼虎角蛇枝蔓無牽者鼠  
伏狐遁罔敢高童叟以聲兩辭造庭各自不寃萬龜  
燄波不擾而辨凡遊浮梁遊高郵遊兩浙者見公所  
過俱化而碧霄千尺摩青空底蒼生不知其幾樹甘  
棠也余雖聞之而未之識至治三年秋幸識公於  
州治果歷歷如士友語深以爲喜而公廼曰子不

見子張問政子曰居之無倦行之以忠乎朱文公謂  
居存諸心無倦則終始如一行發於事以忠則表裏  
如一忠孝乃吾分內事吾必終始如一表裏如一不  
負夫子之言可也噫不負夫子之言 公得之舍遽  
伯玉尚不肯獨爲君子 公肯獨爲忠孝兩全人乎

願 公體

聖朝美教化厚人倫移風俗之意以化淳染化高郵化  
兩浙者推於化天下使天下之爲人子者皆能盡孝  
天下之爲人臣者皆能合忠夔曾閔爲一皆能終始  
表裏如一不負夫子之言豈不偉哉 公曰然諸士

友咸喜之而形於詩勉余爲序而申之以詩曰

兩全忠孝昔猶今泰華爭高海共深霜雪無情知栢  
櫟江淮有眼識棠陰  
熒波出素和羹手滴露研朱點  
易心見說

明堂將大用擎

天一柱玉千尋

至治三年八月朔秣陵存耕陶璞於

燕居閣下拜紫薇中頓首謹書

范良佐序

嘗謂爲政不難政在得人天下財用大資煮海之利

兩湖之賦其數不爲不多其任不爲不重

復齋同知相公分治于斯井井有條

國課不擾而集政在得人誠哉是也是歲二次按臨澧  
川曩日同登仕版之貴官及諸士民歌頌如縷良佐  
忝在治下故取其詩章鳩爲一卷以見 汾陽百世  
之下雲仍垂裕之美至治癸亥忠勇校尉鮑郎場鹽  
司令范良佐錄呈

古體

儒人符子真

澧川巨鎮瞰海濱鯨波浩渺疑無津土皆下潤作斥

鹵亭民常苦饑役征漉沙煮水結白素飛霜積雪當  
中春

朝廷設官恢

國課稱職自古難其人貪泉易奪伯夷操揚風或汚元  
規靡我公分麾下湖右海邦孰不聞清聲固知時  
康出英俊廣施恩澤安疲民公心但欲官賦足戴星  
出入寧辭辛不加刑政人自畏天公吉相連舒晴課  
賦羨餘喜書最豈依常例容虛申空舟載月照肺腑  
一心清沁寒潭水恩德惠人不忍別借留無計徒攀  
輪大賢小屈暫淹抑便當秉

國持洪鈞我言民力困已久

公當大發調羹手光輝

相種襲餘芳高名好繼

郭汾陽

儒生以深陳亦頓首

海濱廣斥茫無涯額寬戶貧宿弊滋天時往往戾人  
事亭民赤子皆瘡痍積年虧課憂鞭笞文書如絲吏  
如縻公侯今年出分司爲政以德行仁慈福星  
下照吳分堃昔民嗷嗷今怡怡萬物倚公爲吐氣剛  
直不敢干以私恪共守職慎無違忠心爲

國身忘疲往來巡行涉寒暑江風海雨歲云莫熬波煮  
海課必登封壩停竈回司去秋毫無擾場與亭但索

篇詩爲餞行輕舟蕭然載明月未有好官如此清此  
行聲價已如許蒼生四海需霖雨汾陽事業奚可  
量書生辦香致祝語拭目濶步入

中書上佐

當今聖明主

儒生顧瞻頓首

二十四考中書令勲業在唐爲最盛浯溪屹立磨崖  
碑姓字赫然丹炳炳豐功偉績昭後來千載靈仍有  
餘慶中原間氣生人英功名壯歲驂騑聘浙民猶說  
紫微郎依紅泛綠中書堂湖山德色增輝光至今遺

愛留甘棠頌蟠壓境產遺孽捕逐躬悴東海傍黔黎  
交口猶頌德蟲災隨殄回豐穰僂指俄然十餘禩重  
來漕憲恢

邦計大農之入鹽居多囊海焚波功匪易分車涉暑親  
牢盆撫恤蠲丁均錫惠拍塞千倉白雪盈甌盞萬竈  
青煙起亭民有頌無冤聲課不愆期訟咸理公餘輟  
暇親琴書鴈行抱牘皆用儒只令

聖明尚文治歸班便合持 鈞樞鯨生挾冊游海隅披  
雲一覩喜何如明經脩行應時需 公門桃李還容  
無採摘民謠進長句望塵一迓拜迎 使車



儒生陳應舉

海濱漠漠多斥鹵

聖人既作廢物執保和三事敷九州息養萬靈修六  
府造化醜醜備五行源流貢賦因三古民生日用雖  
錙銖財運泉源滿寰宇賈貿商銜有大資

國阜民饒非小補有限光陰寸二金無窮世利璘二土  
人事蕭疎苦不禁天時叵測難倂倂海氓頑獷貧者  
多甌釜生塵衣更縷消資喪產不聊生桂薪玉粒猶  
何取冒暑吞飢且憚勞道政齊刑翻跣扈竄冷灰寒  
不繼煙官輸欲裕時難聚善脊鞭臀血不乾焦頭爛

額身猶苦官守可無言責憂餐寐不遑流淚雨全吳  
一旦

福星臨碧天萬里晴暘煦輝二秋月照襟懷益春  
風到編戶散金出帑手自分東枝寬刑人盡撫床頭  
琴劒生光輝案上簿書豈旁午萬夫千夫自赤心千  
倉萬倉貯白珣有道生財民自生權利世徒非漢武  
鼎鼎鹽梅滋味長

天子責難在

賢輔蒼生願沐染指恩早施大手扶

明主

唐律

中順大夫前瓊州軍民安撫使王君濟頌  
富

國安民務恪勤如 公端可謂良臣煙閣萬竈俱登課  
月冷千江不染塵冰蘖聲名知己早鹽梅滋味信先  
春 九重聞有和羹召會見 汾陽德業新

承直郎前興化路推官金汝礪頌

詩禮汾陽百世孫重來傾蓋轉情親鹽齏額羨有餘  
力囚繫冤伸存至仁疾惡威聲猶烈日接人和氣勝  
陽春他年秉握

中朝政更冀 恩波澤下民

忠顯校尉前海道運糧千戶楊樞百拜

運課成規自得方先施德政後施剛和羹小試熬波  
利飽學良由讀易長廉潔居官心似水忠勤報  
國鬚微霜只今才傑俱登用不日 明堂作棟梁

濂溪後人周冕頓拜

廉聲播滿浙西東派衍 汾陽有祖風學盡知行爲  
世表易明進退適時中熬波出素勞分治激濁揚清  
任至公此去和羹消息近驛梅春早露椒紅

范澄志

千載中書重望孫紫微花下舊時春虹霓浩氣三千  
丈碧落銀河一片紳教子欲知天爵貴讀書期與聖  
門親他年快展調羹手海角鰥生亦幸民

秦川儒術劉震

分司鹽策入秦川爲

國宣勞總利權耳挹虞絃歌永日心參義易洞先天素  
波熬出千倉雪和氣薰成萬竈煙相鼎調羹歸大手  
當今

聖主得臣賢

張子壽

天地中間一偉人心全忠孝事

君親提綱 槐省聲名舊貳政  
旌臺號令新兩浙蒙  
恩沾雨露萬民聽履上

星辰金甌已覆香名久鼎新調羹秉 相鈞

梅鼎來

天爲吾儂見 福星推誠率下愜輿情  
冰清玉潔一壺瑩霧滄雲蒸萬竈生  
閑暇工程皆信實及秋課額已登盈  
浙江小試鹽梅了早爲調和鼎鼎羹

趙良復

玉立丰標鐵脊梁寸心忠孝日爭光  
大才端稱絲綸

美巨擘先調鼎鼎香萬竈青烟皆就緒一輪明月滿  
行裝功成早入中書府元有家聲今古芳

胡霖

海上兒童竹馬迎計臺高處福星明紫泥一札  
天恩重白雪千倉

國課盈位政公廉人感德立身忠孝世揚名如今小試  
調羹手早入中書繼祖聲

張庸

祖笏堆牀說令公耳孫聲價欲摩空

九天恩重絲綸下兩浙春融鼎鼎中佐治豈無商說兩

廉頑真有伯夷風不愁煮海 星符急萬水千波自  
夜東

梅亭

盛世重生梁棟材從容兩制試並梅限嚴課額雖難  
緩德洽人心不待催明月遠隨歸權去 福星幾見  
使車來功成還繼 中書考

天上黃金已築臺

高相孫

勤勞

國計竭忠誠斥鹵躬行不憚頻冰篠素聞清白操盤梅



當屬老成人熬波出素臨滄海奏課論功動  
紫宸盡說明公爲政善棠陰留與浙間民

朱益之

忠孝家聲藹八埏使星分照舊秦川千倉積雪無  
虛白萬竈熬波不斷煙利

國素高齊相策愛民重見令公賢從今大展調羹手  
留取清名著史編

嘉興葉知本

有道先生漢士宗雲仍千載振儒風襦歌昔頌承流  
德鞭箠今觀煮海功財貨阜通

邦本富梅塩作用古人同庭前肉鼓聲沉麴民在  
恩波蕩漾中

續添古體

常圻

武原瀕海郡厥土貢惟塩使星分符來巖二民具  
瞻不擾誠父母至仁雨露霑溫如春谷風炯若秋  
空蟾

國課恢以捷悉服公清廉善政難枚舉盛德忠孝

兼相考二十四計臺寧久淹安得燕許手掾筆

揮吳縑

民謠十首

分司嘉興

二月錢塘獲政庭分符三月下禾城尋常一樣駕湖水自得清官越樣清

門無私謁

蕭條官舍勝堪容避俗傭居閭井中門禁有嚴無謁客私心一點不相通

秋毫無取

陰賂何嘗受一分舉家惟仰俸資身閑中更有琴書樂廉不言貧能幾人

鹽倉便賣

新立鹽倉弊已生日申虛數溢鹽商今年自得  
公規畫增賣常年一倍強

培出餘鹽

四月初終八月初引鹽培出二千餘依時價直八千  
定爲

國豐財事不虛

親散工本

近年工本各場收盜剋虛支屬自由今歲應時親給  
散亭民真箇得分憂

抑強扶弱

各場貧富錯羌徭貧日艱難富日驕洞察民情親整肅奸邪雄猾總魂消

私鹽訟簡

鹽訟凡經化筆春不吝攀指擾平民隨時斷遣無留獄盡伏清廉法令伸

平反冤枉

豪富欺貧事百端每誣鹽事欲欺官公心獨有神明見一一平反不受瞞

校辦課程

委職惟煎步不離未冬益足可先期今年不學常年  
弊虛得通閑課實虧

劉道玄送江西憲使詩

當代多君子 明公第一流  
金臺峙汾朔 系裔鬱神  
麻光嶽英靈 秀叢廊進退  
憂培風膏漕運小却亦方  
侯豈弟德彌厚 優游福自求  
黃金天錫孝竹馬史傳  
隸精英迴鷹駟飛揚稱虎頭  
昔聞今始見再拜悟前  
脩肅肅持邦憲 皇皇憫俗偷  
吏貪真虺蜮廩蠹甚螟  
蠹方寸仁爲本 黔黎瘵自瘳  
繡衣分

北闕驄馬試南州 江右稱繁劇  
湖東據上游幾年隳政  
綱一日去縣疣疾惡霜嚴曉  
明刑月滿秋春四耕讓  
畔夜戶盜歸牛攬轡心逾壯  
操弧手未柔恤鰥明施

惠訪治極咨諏時雨露芹藻民風復爽鳩鋪陳匪  
公意誦贊豈公酬嘗竊陳篇奧每慙同氣謀親年臨  
喜懼祖訓付箕裘蹭蹬孟東野周旋陳太丘月明身  
似鵲風雨屋如舟鞠子誰無念漂巢乃有仇事因情  
屢梗利與訟爲國苟至深狼須何殊衆楚咻遭逢照  
衰朽頃刻解羈鞲吾道何偏倚天倫貫顯幽感恩思  
結草懷土任填溝播播青螺水猗猗白鷺洲勲名今  
又古忠節系文歐烟火百千竈檣桅十萬艘煩公以  
身教禮樂御輕浮父老爭迎戀兒童雜詠謳荇邊魚  
活活革外鹿呦呦寤寐勞心治渠儂鼓腹遊東風催



馬首

丹詔待龍樓昔也來何暮今焉盡少留野人無可柰短  
韻寄悠悠

任江西憲德政序

方君壽

泰定二年六月 憲府郭公錄囚來旴 公嘗爲州  
浮梁以易學導諸生諸生猶能誦習疊君壽爲番  
氓嘗竊聞一二獨恨親炙無由不得以窺其全俯仰  
十餘年吳獲一望轡蓋今年春人有誦春在水霜裏

人行道義中之句者且曰此吾憲策公門符也曩  
浮梁民以爲召父杜母一食必祝今道義之門轉春  
風於嚴凝之地於忠恕爲近忠恕乃聖門傳授要  
旨而可以終身行之者以是存心豈非一道幸明刑  
議獄孰有不當於理者掌觀諸易言刑獄不一皆以  
離明爲主兼取震動有威上離下震爲噬嗑象曰先  
王以明罰敕法反對爲賁曰君子以明庶政無敢折  
獄上震下離爲豐象曰君子以折獄辨刑反對爲旅  
曰君子以明慎用刑而不留獄中孚之議獄緩死也  
爲其六畫之離震見於互體而已也公曾中全易

明威兼濟恕以行之何往非天理之公哉矧是邦侯伯知所先務鉏疆起弱政教日新而留獄常寡不足上累高明究公浮梁之政所以育才興學迄有成效今盱校宮牆未復無以備不虞此侯伯所當究心責之有司而奉令猶有未至不能無望於波及之餘白首太玄則區區素願幸公其有以泝之諸生樂拜下風咸歌德美輒叙其端且有後望云是月癸卯在泮方君壽拜手謹書

體

古汴苗子方

赤霄兮開雲乘驄馬兮下蒼旻磔妖狐兮尸暴虎舞  
俊士兮歌同文沃流火兮止焚滄清源兮去其渾雷  
填填兮風颼颼障狂瀾兮使安流鑒飛空之明月兮  
送秋爽於南州觀

乾龍之御極兮立天則時雨暘兮飽民食肅綉衣以分  
政兮公獨奮節乎忠直鐸名教於江右兮誦諸生  
於芹宮先德化以禮齊兮遵古人之遺風匡之山兮  
蠶之水佩芳菲兮思君子洗愚心之悒鬱兮進深  
衷之亹亹何流俗之溷溷兮謂蘭茝之無香璵璠玉  
以爲飾兮集賚施以爲堂卮貞松於草菅兮爰有冀

乎雪霜啓孤根兮領衆芳韻清冷兮永相望

古體長篇

鄧茂生

火雲赫南服六漕勞驅馳上體仁恕心下爲哀矜施  
游刃折衆理破的分群疑烈日正旱乾一雨生華滋  
頗知天意合自與方寸宜雅志在斯文教法明定規  
高堂集諸生講論窮精微所貴以善誘人才由此基  
故家本汾陽勛業舊鼎彝寧爲繡斧淹遠大期日躋

李守中

天地有正氣肅肅同高秋大賢際盛世耿光凌斗牛

向來郭林宗四海垂清猷聞孫繼芳躅耿耿追前脩  
道傳洙泗遠學與夫人侔平生經濟心自許稷契儔  
此志在天下小却來南州昆吾百鍊剛龍驤萬斛舟  
直論凜白簡先聲駭駉騶百帷服山澤明月流清溝  
春從天上來草樹青浮浮吏民喜欲舞恨不公常留  
荒荒泮芹間屢覩駉馬遊蒲堂接顏色懇懇教不休  
坐令絃歌音誦誦聲於謹願言作砥柱力障狂瀾流

陽平樊炫

聖代昭文運觀風屬偉人燕臺今俊士唐閣舊賢臣  
德業隨時盛文章與世新叅謀知大篆宣化識深

仁淵右霜威重湖東春意均且須正綱紀將見展  
經綸欲待清風几難勝綠幙賓陋鄉材不棄末學志  
能伸藹藹風雲會依依雨露春終期青阮眼免使混  
埃塵

萬士元

三代之學明人倫兩漢以下愈失真雜于黃老火于  
秦六經典籍俱紛紜孟氏繼統醇乎醇小醇大疵揚  
與荀西京之教無其人仲舒卓爾乃有聞河汾諸子  
唐世臣董常薛收似不群昌黎爲儒勞且勤進學一  
解何諄諄洙泗道肱幾欲泯濂洛枯木回陽春考亭

師弟幹大鈞百家衆說曾具陳鯨生末學無所親半  
生燈火甘賤貧生平不事雕蟲文誤隨計吏朝

紫宸尚期稷契承華勲志欲風俗皆還淳失脚不登要  
路津捧檄臨汝猶逡巡緬懷安定願卜鄰下思澤民  
上致

君 公今弭節臨川濱詳刑化雨隨車塵欲將斯道覺  
斯民感 公義氣凌青雲爲 公誦此書諸紳

部下屬曹吳述

使君昔守番之陽仁聲善政波洋洋後來作者竟絕  
響至今父老歌甘棠皇皇繡衣照霄漢十年相望東



西江震霆行空泰岳動景星瑞世鸞飛翔五峰生靈  
久塗炭苛政橫歛猶虎狼橫行安民不畏憚下驅屬  
邑如犬羊豪民右族共盤結屋有金帛田無糧小民  
怨氣徹天地赤旱千里三年強今年夏五旱復熾渴  
烏煽毒民皇皇郵胥奔走捧 憲檄正爲版籍鍼膏  
盲好風西南布甘澤一雨十日起仆僵耄倪露香拜  
且祝願瞻 使節明煌煌下車歷歷問民瘼布政井  
井張 臺綱正均經界得時雨平反冤獄無飛霜化  
被菁莪妙樂育親迪後進明綱常顛崖繼此望蘇息  
教化自我森開張書生寓跡番君鄉昔由儒取親憲

章家貧親老尚矮屋而復值此貪酷邦向非 皇華  
公道明覆盆之下無隙光但愁馬首既東道此輩安  
足容善良奴顏婢膝不忍爲便欲歸去勤農桑栢臺  
臺下敬再拜銘心感德不敢忘方今

主聖臣賢良廟堂政尔需棟梁揮洒筆下寒風霜要令  
虎豹遠遁魑魅藏歸來化爲霖雨澤四方

。律詩

岳天祐

使節光華照盱水秋風載道淨無塵未蘇冤滯清民  
瘼後望咨詢及物仁臺栢煙收初見日泮芹雨透喜

生春西江從此 恩波濶抵恐調元侍  
紫宸

虞堯臣

繡衣按郡爲肝臨中令家聲盛至李決獄不寬行素  
學使民無訟本初心一天來秋風勁萬井香粳曉  
露深泮水龍鍾瞻望久喜霽時雨及儒林

汪允文

汾陽芳派有雲孫政事文章世共尊光燦繡衣群仰  
德香分翠栢獨澄源清風數鬣甦民瘼化雨漸肌洗  
獄冤異日 鈞衡需大耋青龜又喜屬名門

饒拯

時雨能教澤涸鱗此心相對只蒼旻  
震驚雷電開心目翻覆江湖洗垢塵  
好是登車徐攬轡却看當道避埋輪  
泮宮畢遇斯文主勉勵從茲士氣伸

許炎

繡衣持斧凜威名攬轡澄清此按行  
六月臨肝勤訪問一廉聽治號神明  
稻田秋意占豐歲芹泮生香藹誦聲  
家有汾陽名譜在隨車甘雨及蒼生

倪洪

夾道旌旗翠霧開繡衣文采正昭回  
星環北極寒光

動雨挾西山爽氣來底用兒童迎竹馬且携琴劍上  
金臺庭前栢樹森如戟留取清陰及草萊

陳擇

久慕分司郭使君條陳教法淑諸生喜瞻禮樂光  
華遠聞說圖書象數明澤物致

君從學問登車攬轡志澄清太阿出匣神光瑩漂漂  
風聲遍屬城

夏紀

使節光臨蒲水濱兒童騎竹望車塵星移南斗文昌  
現雨捲西山秋意新自是妖狐皆遁去從知屈蠖可

求伸釣天不冒元無際碧藻香斤總是春

臨汝書院劉伯壽

公來六月雨隨車驄馬行行冒暑途萬里薰風清宇  
宙一輪明月照江湖欲情毫髮知無枉民瘼膏肓立  
可蘇中令傳家衣鉢在會看

丹詔下 天衢

德安儒學冷掾宜起霖

中書久仰令公名清白傳家政有聲原隰秋風絲轡  
健山川曉日繡衣明恩深父母皆歸化見若神明莫  
隱情佇看天邊

丹詔下一朝霖雨福蒼生

熊文淵

汾陽官譜舊家聲  
原隰咨詢著令名  
光動繡衣霄漢近  
威嚴玉節雪霜明  
澄清有志持公道  
擿伏無私燭吏情  
一綫斯文欣借重  
詩書惠澤賴陶成

郭餘慶

繡衣攬轡五峯城  
䟽決淹囚察下情  
法有公評誰敢議  
罪於疑處賴從輕  
民生沐浴恩波闊  
心事澄清秋月明  
一朶斯文今有幸  
提撕尤望惠書生

黃潤

令公勲業付雲仍  
汝水欣逢使節臨  
壇光華行部遠  
詩書福德及民深  
長經綸健長壽  
鐵石心一點  
甘露蘇萬類  
於刀生意到

黃約

驄馬南來使節新  
西江取水滌規塵  
簡書嚴肅奸邪服  
版籍分明賦役均  
心上但留方寸地  
人間先借一分春  
藻芹幸喜恩波及  
再拜甄陶感化鈞

劉伯壽

星輶行處即澄清  
一點剛風不受塵  
明見皎如千里月  
公心陶作五峰春  
雪霜雨露無非教  
政事文章有



若人萬頃汪洋滄海量書生終始托洪鈞

趙良侗

黃金臺上著勲名僻壤欣瞻玉節明六月甘霖天潤澤一江秋色水澄清民無歎息憂愁態士有懽欣聲頌聲多少傾心歸嚮意書林從此總敷榮

黎庶

交道旌旄擁繡衣烏臺高壓五峯危月明宇宙冰  
淨雨沐江山暑氣微人說汾陽傳逆業何如飲水  
群黎書生願借生成力何幸仁風轉化機

劉開孫

心與冰壺一樣新  
亭亭玉節照嚴城  
九重天遠雷霆近  
千里雲開日月明  
肅政精神寒吏膽  
滿腔惻隱愜民情  
泮芹更借春風力  
早晚諸生賴玉成

連元壽

使節光華照汝城  
汾陽聲價古今榮  
茲惟怕見風霜操  
忠義生爭日月明  
千里宦情秋水濶  
一生心事玉壺清  
他時若赴金鑾召  
力爲開閣達下情

艾天瑞

汾陽自昔相門高  
六月乘驄不憚勞  
道德光華瞻孔孟  
文章政事學伊臯  
一天時雨甦民瘼  
千里威風去

吏饗田野書生瞻慕切更祈恩澤到蓬蒿

黃文海

廉風遍地著聲名甘雨隨車暑自清一道星光耀河漢  
半天秋氣壓山城憲臺重振舊綱紀計簿喜看新戶名  
從此小儒歸大造微生何幸遇昇平

屬吏方仁卿

遠想威容已七年何期旌節照螺川風霜一淨春如水  
颼霧四收月滿天不識錢神豪不罰無開獄市吏無權  
明公發摘無餘蘊早入烏臺待

日邊

五言律詩

王辰

列位登清要提綱按部嚴金臺

君舉善霜簡衆稱廉擁節威風動隨車化雨露秋空橫一鶚蜍輩總厭厭

鄭堯心

家世汾陽裔澄清喜嗣宗虎猶驚出境鼠敢竊穿墉禮樂光華遠詩書氣味醲藻芹衿佩樂春意爲陶鎔  
七言絕句

晏詠通

汾陽勲業紹家傳  
絲轡光華照汝川  
聽獄還如蘇武  
早願爲霖雨溥仁天

政雨隨車灑路塵  
周原千里重咨詢  
斯文一脉誰宗  
主造化全由筆下春

太和州學儒生戴熙

濟時方畧滿書囊  
凜凜嚴嚴如十月  
霜遙想金臺初  
受命紫袍象笏總生光

整飭基綱事事新  
發茲摘伏智如神  
雖云攬轡勞心力  
却喜民間物物春

法律無情先自持  
一廉如水衆皆知  
繡衣持斧巡行

處琴鶴依依只自隨

使星炯炯照澄江咨度咨詢苦未遑六轡歲周如

上命誰能當道着豺狼

幾回攬轡誓澄清欲爲蒼生做太平盡說使車將

至日樓頭更鼓頻分明

一自分司登驛途幾多赤子望來蘇開倉以後頻詢  
問道路猶逢餓草無

健訟無如吉贛民才聞威德總更新只愁天外除書  
至恨殺攀轅卧轍人

問民疾苦

德安縣學儒生潘必大書

竊謂天下之人猶一身也必也元首正股肱良耳目聰明然後身得安焉今

聖天子御極賢相輔治簡拔明公爲耳目之官握憲綱操政柄四履江西之地此乃

朝廷以此方之土此地之民而委之明公也其任不亦重乎矧惟明公學問窺天人聲名播天下事業滿朝廷此誠北方學者未能或之先也必大跼伏山林幸生太平無事又聞明公自下車來愛人下士選賢任

能舉才如反掌摧奸如燎毛和則玉潤春溫肅則秋  
霜烈日挽淳風而化澆俗好正論而樂讜言於是草  
茅危言之士無不傾心吐膽願進庭下而申其辭說  
此必大亦素所願見也今夫九真之麟丹山之鳳條  
支終南之文犀貂豹其出世也則足以瑞

聖朝而清宇宙聞者莫不東帶結髮洋洋然往觀之必  
大之求見明公亦猶是耳幸賜之顏色俾得從容以  
進盡所欲言則幸甚必大生於窮巷長於葦簷九歲  
值母沉痾呻吟床褥夙夜侍湯藥六越寒暑失恃苦  
早痛切終身至今閭閻父老無不哀其幼志而壯其



誠心內無兄弟之助外乏彊近之親子子一身奉嚴  
父日謹待繼母如適至于今日此必大於事親之禮  
弗敢廢也年二十始知讀書爲文雖飢寒迫身而螢  
牕雪案每以勤勵自彊以古人自期待此必大於爲  
學之道不敢自暇自逸也至其平日處心視義若泰  
山見利如浮葦每慕范希文爲人愛其好施與置義  
田以養宗族此必大之素志願力有不逮也嘗一試  
秋闈與數千百人角藝於寸晷而不得忝名薦書齒  
進士于時以觀

之光噫命也雖少戢鱗委翅而其志氣終欲激昂青

雲於萬里外柰何親日老家日貧而時命日蹇劣今也縣庠不以其無似衆舉以次泮席日與二三子從事乎口耳之學始懼弗勝終以便養不辭然早作夜思疲力勞心敢不加鞭策竭駑材以盡其責茲遇明公按行郡邑蘇息民瘼幸獲拜下風仰瞻威重故敢述其平生之意氣今日之困瘁以塵視聽雖然此一己之私也當今事勢豈無可言敢申一得之愚少裨風化之盛今江西之地治有未至者八請得條之農桑非不勸也而游惰之民不能盡地力學校非不勉也而士風有不振求賢非無

詔也而山林遺逸莫不舉科舉非不行也而合郡或不

庶一人彊暴非不挫也而吞并之風自若流民非不

招也而棄親離墓不知復業茶法非不嚴也而假茶

濫引

名曰選寇引動以數萬此建昌武寧分寧之風

恣行無恐站戶非不恤

也而流離轉徙消乏之民此八者所謂治有未至

者也其間得失利病其在明公悉心推訪舉而行之

一有未至則是耳目之官不司何以安天下如一身

哉夫明目達聰舜世所以無爲而治今明公爲

聖天子新天下耳目其可無託付之成效乎故愚取喻

於此傳曰薨牧之言聖人擇焉惟明公其覽之必大

不避鈇鉞謹再拜以聞非敢自矜式以媒進取于左  
右不勝怖懼之情死罪萬幸必大頓首再拜

唐律

永新陳宗文

千載汾陽照史編堂堂袍笏至今傳風霜氣節清天  
下水蘩聲名動日邊臘後根荑蒙雨露草間狐兔  
避鷹鷂巔崖辛苦皆蘇息里詠塗歌有二天

右一

吏貼無如告郡蒙永新尤甚惡涖涖舞文弄法機關  
密瘠衆肥家氣熖高風憲一示乃出入長官容縱轉

貪饕塞源拔本湏今日未信狐狸敢夜號

右二

求新百姓最堪憐無稅當差萬室冤官責徵輸藥妻  
子吏緣漁取富田園薰蒸民怨天為怒融結年災禍  
有根生干遇 皇華親攬轡坐令寒谷變春溫

右三

太和州耆儒王昭德

謹呈昭德一介庸愚不知老至忝在耆儒之  
列祇受

中書禮部劄付薦以秀溪居士之名切見

太和州自泰定元年立春以來氣候不齊陰陽失序霪雨連綿晝夜不息及至于夏頓然而止日色高亢天旱熒焚山澤焦枯禾苗槁死雖蒙州官各捐俸鈔修建善事諸廟行香龍潭請水於延真觀建壇爲民祈禱隨獲感通終未沾足間有水可救之處而惡風東來又生蟲賊昭德大馬之齒七十有三百前未嘗目睹旱蝗有如此事者實閔利害豈忍緘默本州六鄉之間往歲交夏以來田疇缺雨早稻含胎毓秀之時遭以亢旱禾苗枯槁所

收十無一二農民惶惶已有朝不保暮之憂  
猶望晚稻麻黍雜子登場得以少延殘喘何  
意秋旱八十餘日田隴龜拆圳地塵飛晚種  
諸種多見絕穗即今上等富室倉廩枵虛薄  
有田產之家自贍不給村落小民惟有待斃  
誠恐流移後憂方大已嘗具呈本州備錄轉  
申 上司賑濟外今幸遇

廉訪分司按臨小郡謹陳小詩少數民情伏  
乞 電覽

一 道澄清仰景光福星移次照西昌威名震動搖山

岳風采凝嚴凜雪霜禁戢姦邪明

國法糾彈官吏正  
臺綱從今囹圄無冤滯元惡潛消  
化善良

右一

有民有土有斯財盡是農家力作來去歲旱傷惟獨  
甚今年饑饉可憐哉閭閻不見覆盆日衙署難爲業  
鏡臺四者已蒙收養濟道傍無數可勝哀

右二

又絕句十二首

衙廣大恤民多  
臺憲分官出撫摩貪墨姦邪驚破



膽太平民唱太平歌

聖旨如何敢節該堯湯盛世有天災四時玉燭陰陽序  
皆自吾

皇仁政來

明時條畫又維新宣化承流貴得人所願丁寧偕牧  
守奉公潔已撫斯民

去年天旱及蟲蝗田畝無收白納糧饑饉荐臻民疾  
苦有如雪上更加霜

汲黯開倉爲濟民水災拯救奏

丹宸免冠歸節能如此萬代揚名做好人

文王發政及施仁念念惟先四者貧天下窮而無告者不知籍外幾多人

大元社長爲農桑社內勤耕實得安官府清明均賦役細民無擾免貧寒

爲富從來多不仁凶年過糴最無情縱令馬畜傷禾稼不恤農家苦力畊

科舉數年又復興好乘桃浪過龍門廉車禮樂崇儒雅激起江西教子孫

聖人萬代帝王師盛禮春秋釋奠時郡守作新誠有益奉承教化謝廉司

江西風俗最刁譁捏合虛詞布爪牙嚇吏欺官陵善類無能禁戢謾吁嗟

天開言路許敷陳弊政拳拳望改更一介寒微殊冒瀆  
擇其善者乞施行

汪澤民奉賡

即事一首

詔書恩重許更新陰沴遄回霽景春慶衍

萬年逢

景運

治隆三代樂天民

皇華著意風霜教寸草

含恩雨露仁未有涓埃酬

帝力牙緋不意換袍銀

登梅嶺二絕

俯仰何慙宇宙間

繡衣過處庶民安春風關上千

年墨把與梅花一樣看

嶺南暖地忽生寒  
驄馬西來欲度關  
莫道煙嵐遮  
萬里舉頭咫尺見

天顏

毫人呂奉和

僉憲相公留題梅嶺二絕

蕭蕭驄馬萬山間  
激濁揚清百姓安  
春意梅心憑  
好句關頭長與路人看

白簡霜飛一道寒  
西江南海幾間關  
丹心萬里持冰  
蘖如對

天威咫尺顏

○吏湖去思

泰定改元

憲發相公復齋先生蒞政江右風采一新紀  
綱大振其居官美績固難具述獨芹宮子佩  
尤篤意勸勵故未逾年歲所部郡邑生徒課  
講皆有成效旣而

除命自

天則爲郡于浙之慶元於其行也攀戀無由敬率諸生  
各爲歌詩以寫去思之懷伏祈

笑覽

儒學副提舉番易洪耕頓拜

憲綱大振凜清風攬轡西江一瘦驄烏府式傳

宣命降虎符又拜

聖恩隆綠芹隨地沾新化白日行天溥至公浙水土民相望久又看竹馬開兒童

學生東湖書院山長陳晷常再拜

新治紛紛竹馬童舊邦人惜去忽忽霜凝秋氣橫江  
右雨挾春陽度浙東一道難爲攀戀計諸生長託作  
成功欲教四海沾恩溥只合中書看令公

新建縣學教諭錢原道

清官出守愜民情南浦扁舟向浙行  
雋暴威名加禮貌龔黃德政藹仁聲  
青衿黃卷嚴三肄畫戟朱轡照四明  
爲

國儲材公素志漸摩風俗樂昇平

南昌縣學教諭林基孫

遙知一路笑顏開太守文星發上台  
卧治民間

天子命傳呼人說令公來東吳噴二  
榮侯邸西楚寥二肅憲臺未必四明堪  
久駐

廷今正急賢才

靖安縣學教諭歐陽有



衆樂亭前騎竹童頻歌來暮望湖東極知報政期年  
速安得分光四海同學校藻芹堪來處門墻桃李不  
言中家傳幾歷中書考勲業他年又令公

東湖書院訓導黃極立

澄得西江水不波由來政化及人多又爲皂蓋朱幡  
去其奈青芹碧藻何它日金臺餘事業此時竹馬  
沸謳歌四明弟子多英俊贏得槐宮賸琢磨

東湖書院訓導何禎

執法星留翼軫躔令公勲業又從前風霜氣肅南  
荒地雨露心涵太極天雨樹夢思君子友海門徠服

外夷船諸生莫作攀轅想日奉晴窓記誦篇

東湖書院訓導周冕

繡斧輝煌南浦間吟鞭又指四明山分香

紫殿紫殿綸美布政黃堂戰衛閑外郡勤勞聊借徑

中書富貴早歸班此行海上蓬萊近西望紅雲是

九關

東湖書院諸生李光國

雨露菁莪復幾時風霜草木亦能知柏臺秋老群烏  
集花署春回五馬隨舟二東雲擁麾蓋依二西月懸  
檐帷四明起歷中書考未必脩鱗久在池

門下士昌江李沂拜呈

復齋先生大梁郭公弭

江西憲節

出守四明道繇芝山賦詩爲別少寓

攀慕之情伏希

鈞覽

英二出岫雲萬里乘長風舒卷自有時變化不可窮

浩然起膚寸清陰滿太空

雲氣類感上下交相從終當作霖雨大施澤物功非

復非霧四海歌時雍喬松屹高岡鬱二千丈強兔

絲不盈尺引蔓亦孔將陽和布德澤蔚然借 恩光  
勁節叅蒼冥弱植仍許長小大固有殊霄漢寧相忘  
懷哉及茲時托根見微芳

門下昌江李

拜述

名與昌江一樣清妍蚩照破莫逃情老天暫歇冰霜  
冷舒作陽和入四明

摻別雙溪幾許年南轅北旆快高鶩堂 二勲業汾陽  
舊從此調

元看九遷

照耀芝山隊仗新風吹客舸著湖津梅心柳眼俱凝

貯臆意蕭條久望春

鰥生閑卧小茅庵上有慈親八十三  
莫共仙舟天外去夢隨帆影看東南

福建耐倡

庚午至日寄

尚御史三絕

照察乾坤不染塵  
駟騶繡斧按閩城  
三山萬幸民冤雪  
四海歡傳御史清

右一

翁歷薇垣澤物深  
餘芳留與後來人  
元勲已列凌煙傳  
千載巖三柱石臣

右二

衰老素餐益愧甚  
課餘簾捲味書香  
年來擬訪夷山

斐詩酒琴棋日自長

御史尚克和賡韻

驄馬觀風緩轡行  
黎民鼓舞樂邊城  
知音共仰烏臺月  
照盡奸邪萬國清

右一

丹桂香清雨露新  
要將學術際天人  
繡衣驄馬今無補  
慙愧凌煙閣上臣

右二

早歲烏臺白簡霜  
晚年聞海姓名香  
心田莫種還鄉夢  
僊境三山日月長

右三

三山文學掾徐東奉和  
運使復齋先生至日寄

尚御史三絕句

玉宇霜清絕點塵  
太微炯炯照天城  
人心正與天心  
似見得初陽氣最清

右一

平生易學學朱程  
克復工夫到古人  
此是復齋無  
悔吝由來變理屬元臣

右二



君子朋來德屬陽袖中猶帶紫微香五雲飛作人間  
瑞何限春臺日月長

右三

古侯佚老黃文仲謹和

復齋漕使相公與

御史尚公唱和三絕

驄馬行々不動塵南巡海角越王城山溪縱有泉如  
玉那似滄溟無底清

右一

曾因堂授識嚴親衣繡南來是後人有國有家身是

本定湏能子便能臣

大德七年春文仲同  
七人詣都堂受

謝履孫  
左丞尚公

右二

入奏詩成無錦囊北旋

御史馬蹄香

郭公前世

長庚是若比花翁詩更長

郭功父前  
身太白

右三

建安前進士張復奉和

運使郭嘉議冬至日寄

尚御史三韻

隨轡相看玉不塵聲名奕二重連城兩臺峙立冰霜

裏人與梅花一樣清

右一

公暇吟詩作課程  
寢香長伴讀書人  
勲名行歷中書考  
重見汾陽一老臣

右二

天地初心又後陽  
對梅讀易細焚香  
添教白髮三千丈  
日影從他一線長

右三

福州儒學學錄劉儀鳳奉和

海角南東兩使星  
相逢還說石城頭  
鳳凰臺上舊時

月照着今人十倍清

右一

邇清立要似明神道脉來從積慶人誰議

國庠依魯制都堂東坐老文臣

大德五年建國事既成各刺罕丞相奏尚左丞同陳吉用大率王等議配位遂如舊制

右二

言行令人不可忘好開奎閣貯芸香道山頂上堪鐫石青與夷門共久長

右三

訓導梁奎奉和

江路梅花不受塵天風吹雪下嚴城計堦長峙霜臺

立五百年來無此清

右一

政事文章世絕倫中書宜著若而人寸心暗逐堯堦  
草直向朝中指佞臣

右二

老大功名兩鬢霜枕邊裁易帶芸香心燈一穗蘇民  
瘼添得人間至日長

右三

訓導張英奉和

平澤

天書下玉京  
輶車綉斧照邊城  
傍人欲問  
公心事  
明月一輪江水清

右一

祥雲甘雨洗炎塵  
舊日蟾宮擢桂人  
笑舉春觴同介  
壽更歌

聖主得賢臣

右二

宦海相逢鬢未霜  
御爐煙染繡衣香  
歸朝人問  
閩南景  
說著梅花語更長

右二

訓導陳康奉和

一段新詩玉琢成  
夜隨霜月下江城  
曉來聽得梅花語  
惟有栢臺知此清

右一

文學優游政事醇

明時勲業要全人  
磻溪尚父汾

陽郭今作

皇元兩蓋臣

右二

讀易梅邊見一陽  
梅花有意著人香  
風霜裏面添些  
月未到調羹味已長

建安前進士張復詩十絕并引爲

復齋閩漕使郭公壽

詔頒福地正陽春布德之時人對壽山有松  
岳降神之瑞華來仙麓感仰使星廿有四  
考在中書維君子使千二百年談至道爲  
帝者師謹述斐章切祈

台覽

春宵二五樂喧天微曙瑞堦祝

萬年

聖世明良同一會今朝五五又生賢

右一



不早和羹用此賢  
南臺高處看商船  
春風吹海作晴雪  
一道銀光萬竈煙

右二

烟江龜使離仙機  
來祝長生便遣歸  
歸語天孫何以報  
千年織送好斑衣

右三

天賜斑衣五色鮮  
襯將冕服去朝天

天夷山莊上三竿  
日未許先生老醉眠

右四

先生皂蓋照昌江  
退舍衣冠會講堂  
晝日一簾槐影轉  
秋風麴麴桂花香

右五

秋風吹粟雨  
天河頓活飢民十萬多  
只用源頭清一點  
點石成金不盡恩波

右六

流得餘波到四明教風化雨人人深島夷識字能誇  
道自古循良不似今

右七

今人尺短寸爲長言行誰曾寫半行他日要將彤管  
錄九天奎爵著文章

右八

奎章閣上用真儒實錄聲名笑子虛後進毛生成底  
事郭公終是老中書

右九

中書未老不忘

君先祝

天香拜五雲我却爲公三祝壽二民壽

國壽斯文

右十

福州路文學掾徐東爲

後齋頌壽

運使相公

天地之仁 曰誠曰仁

仁誠之用

開子生寅

哲人得之 孟陬降申

始陽之後

一元胚臍

由復而泰 蒲牂皆春

儲精毓秀

坎北洪鈞

全體既備 陽剛之純

幼而好學

明善誠身

壯以施政 親親仁民

利貞誠復

終始一真

克己仁後 體元長人

本德肇造

吾德日新

吾心之易 未畫已陳

君子中立

三極惟均

推天地心 爲

國蓋臣

玉立表著

正笏垂紳

光騰斗牛

綉衣朱輪

使節煌煌

照耀朱垠

濯新計臺

棠陰吳閩

冰蘄苦節

雪月精神

劍橫九秋

氣凌蒼昊

明堂柱石

棟梁斯文

春行四時

同宇和薰

青幾千載

眞靈大椿

五福錫民

元老經綸

訓導梁奎爲

復齋相公壽

南極祥光射斗牛

中書堂上碧雲流放教白髮三

千丈贏得清名半九州濟世文章宗孔孟柱天事業慕伊周曾中一部義經在長伴春風醉未休

訓導陳康為

復齋相公壽

建武三公幾代孫

郭賀

伊門玄學探義文

郭忠孝受易經伊川

金臺此日逢

望

郭隄

竹馬當年拜使君

郭俊

前度林宗留德譽

郭

素

後身太白播詩芬

郭祥

下四夢

勲名待歷中書考

郭子儀

方入壽山巢白雲

郭雍自號白雲先生

諸處碑記

浮梁州重建廟學記

資善大夫江浙等處行中書省左丞覃懷許師敬  
篆蓋 中議大夫饒州路總管兼管內勸農事

卜天璋立石 儒林郎國子司業鄧文原撰并書

聖天子即位之元年春三月汴梁郭侯由

江浙行中書省都事出守浮梁莅事之始祇見于

先聖願瞻庭宇褊陋弗葺懼無以昭來格而歲承祀

且曰在漢文翁治成都脩學官由是蜀學比齊魯而

翁亦書最循吏矧番故多儒先豈下漢蜀郡哉政親

令字多士勸相鳩工庀具廓弘厥規始是年六月暨十一月廟成齋廬堂垣門序庖漏悉隆舊觀廼卜日帥僚吏諸弟子貢行釋菜禮以告成事既又聘耆德爲弟子師公退則躬加飭厲而稽校其慳勤於是編民佐史咸競于學而來者未有止也越二年冬十一月制詔天下郡縣興其賢者能者充賦有司敦尚德行經術而黜詞章浮華之士此三代學校選舉遺制而後世鮮克師古馴至於風俗靡敝致治亡繇朕今

聖天子孝崇繼述不闡文教軼邁往聖敷告萬方士莫不澡刷以圖報稱屬文原忝教胄子而番土方王甫

等以書來曰郭侯嘉惠于學願有紀也文原竊惟古  
之學者自二十五家之間以里居之選有道德者爲  
左右師自是而升之黨庠術序國學雖教成有漸然  
其道必原於經術傳曰時教必有正業言非是則險  
詖頗僻王政所不容是以教化一而風俗淳周衰已  
不逮古若晉韓起吳季札因適魯而始知易象魯春  
秋與周樂乃不若楚左史倚相能讀三墳五典八索  
九丘也吳晉猶爾當時諸侯之國其昧於經者有矣  
秦禍有所自來蓋至秦而後極漢興至建元幾八十  
載始克罷黜百家表章六經當儒道墜厄已久奮然



欲闢邪說以達仁義之塗其難如此而卒不得儼古  
者得人之盛然經籍之不墜繫漢儒是賴俗傳卑陋  
而莫之省幸稍自振者則又習於章句訓詁不能悉  
心澄慮上求聖王所以叅主宰而迪民彝者遂使儒  
者名爲窮經而實用不著識者隱憂焉譬諸百穀草  
木德行其本也經術則沃土之所封殖甘澤之所膏  
潤而霜露又以閔深而積厚然後以華以實敷鬯旁  
達此詞章之昭晰而不可掩者然爾要其質文之相  
宣體用之備具皆天下實理而豈有所假借炫飾於  
外也哉夫學以爲己而效可及於天下一有譁世取

寵之私則所施必悖士之遊息藏脩於斯者尚廢幾  
夙夜交儆以母負著義豐邑之澤是亦郡太守承流  
宣化者之望也侯名郁字文卿喜讀書於易尤研蹟  
其守浮梁嘗新三皇殿建舟梁均賦役汰煩冗雪滯  
淹爲政號稱廉能云侯首捐已奉錢買地以斥門制  
能以義倡儒生者方王甫趙鎮遠閔全延祐改元龍  
集甲寅三月朔記

南康縣新建三皇廟記

泰定初元甲子春南安大疫屬邑三南康尤甚踰冬  
不少衰蓋其俗尚巫事鬼屏醫棄藥踵相躡就弊弗

之悔明年閏正月亞中大夫僉江西湖東道肅政廉訪司事郭公弭節茲邑蠹傷動色進縣官而謂之曰  
朝創醫學崇

三皇設博士弟子貢以精其藝春秋牲幣朔望行舍菜禮以嚴其祀訓飭有司著于令甲繇京師達郡邑罔不欽承將以延續民命廣至仁也今是邑廟制弊在僻陋不中式程邑人之不知醫也固宜大非所以副

上意吾糾繩是司民疫苦是問吾曷敢怠其亟圖之廼相縣治西偏得丞署故址亢爽夷衍割俸入爲吏民

先聞命感激起事咸恐後陶旋梓材攻工獻技越三  
月而告成殿舍中嚴門廡如制齋祭有室講肄有堂  
綵彤黝堊煥耀視瞻公又曰惟繼天立極

三聖一揆開太平於萬世仁生民於無窮豐功盛德  
固不專於醫藥而醫藥於仁民爲切近

皇元 重熙 累洽覆載同仁凡可以惠我黔黎靡不  
致其至嶺海荒遐僻絕之域皆建學隆祀闡教報功  
矧南康豫章舊境民不幸遘疾而巫覡是求可不可  
乎扎瘥疢疾係乎天宣調攻療存乎人夫開蔽祛惑  
導之衛生躋之壽域繫誰之責歟是舉也視聽業新

民其勸矣哉夏四月 省 憲命官大賑飢疫絕崖  
幽谷窮廬敗垣之氓莫不假息覲醫一投以齊起死  
俄頃生者凡數千人用是始知醫之利大以博又明  
年秋邑人士懷思公功相與伐石請刻諸廟而求文  
于新安汪澤民竊謂公之政可謂通變以知務中機  
而從宜者矣邑長金金寶董是役恪勤壹志尹蔣某  
簿揭某尉張某協恭始終用集厥事法皆宜書公名  
某字文卿汴人也庶公豈弟練達敏勤中外踐歷所  
至有遺愛今爲慶元路總管云某謹叙其實而又爲  
之頌曰 漁濠分 宣人文

數本一 象凶吉 耒耨功 市日中 食貨豐  
味草木 圖紀錄 命斯續 通車舟 行馬牛  
威蚩尤 軒裳備 貴賤位 天下治 一  
三聖人 生生民 同一仁  
皇祖詔 祀崇報 際覆燾 廟揭虔 列聖傳  
億萬年

泰定乙丑歲在仲秋良月吉日前進士承務郎  
南安路總管府推官汪澤民撰

慶元路重脩先聖廟記

中奉大夫湖北道肅政廉訪使鄧文原篆額

中奉大夫浙東道宣慰使都元帥李 允中 書

前翰林侍講學士奉政大夫知制誥同脩國史袁楠撰  
河南郭侯視郡事之初首定役法郡民日困離事旬  
月按覈數常不登郭侯知其奸利廼言曰病在私商  
潛轉輸其所贏餘率不入公籍民病不可藥也於是  
罷賈區分四廂俾總之黼醢肢脯各趨其時視計口  
之授略相等復疎然曰吾職司學校茲曷可少緩督  
大小學謹授業斥其偽冒以其餘粟大脩

孔子廟於是進郡博士陸晉之學正錄胡禾毛文而  
言曰漢文翁立學廡唐宋幾二千年猶完綴君等知

其故乎少間曰教在不墜其不廢在繕脩廼曰若  
若儀門風雨剝圯在丹雘

先聖崇嚴列祀肅雍在作繪定章服在禮象又曰講  
有堂考有樓吾亦曷敢後姑徐徐爲之吾願俾是邦  
服習仁義秀乂林立遣詣

三朝將自茲始補繇禁署歸里凡三年愛中和樂職之  
詩首爲詩以詠贊侯名郁字文卿所至官以興學爲  
本詩曰

茫茫海甸韋仁義邦圭組積榮失其敦厖歲亦云徂  
夸侈則降維侯之來靡瘼不知曰惟泮宮風化攸基



竦其具瞻象神之儀藻井繪櫺絢兮承式降陟有嚴  
是奉是翼匪土木之工職教攸則瞻彼戟門有飛戾  
止斯翬煌煌五采屬羅鏘鏘八音粲曰在耳嗟爾後  
生無媿以誕無逸豫伴奭遵我侯度以靖以獻奉璋  
有義伊侯之願

泰定三年歲在丙寅秋八月壬申記

慶元路士民去思碑

中奉大夫嶺北湖南道肅政廉訪使鄧文原篆額  
中奉大夫浙東道宣慰使都元帥李允中書  
承德郎浙東道宣慰司都元帥府都事曹愚撰

泰定二年冬十一月大梁郭公以亞中大夫分牧廣  
元惟是邦東際大海南連甌粵物盛民稠實爲重地  
故元帥府在焉元師通領七郡控制夷蠻而郡治居  
其左爲牧者朝夕承伺方伯唯諾必謹而屬邑兩在  
海外期會有不如時俯仰旋斡不滯膝輟惟艱哉  
公長材敏識素稱臺省旣以選來劇郡則勵思竭  
精一反故常期于大治始至正賦籍定役法決繫囚  
剖滯訟賦役遂均簡書頓清圉圉空虛乃理學校黜  
倉庫治驛廐織局哨舟厝食鹽皆有良法切當詳密  
流民悉歸荒土盡闢盜賊不作稻麥連稔黎民歌之

諺語比之見墻壁間當賦籍之未正也富民家田多  
詭名僧道士鹽竈戶若貴家寄莊有無虛實涉不可  
考公諭使首實無敢欺隱役法之未定也姦民多託  
迹權勢之門或假舶商漕夫工技故有貧者安視貧  
者應役有司未嘗寘念公執所屬官吏按籍核貧凡  
幸免者悉與民齒俛首不敢怨其決囚剖訟則下車  
即命州縣條報囚繫凡五十四事百四十七人悉使  
至郡治躬讞得情裁決無遺不得爭訟不絕者二百  
餘事分遣吏至州縣程督斷絕其理學校則一新廟  
舍朔望升堂面誨諸生月考其業汰食粟之濫者四

十餘人專給負病之士及鄉試舉人加倍於前郡學  
刻石紀其績其數倉庫計庫曆得隱落四千四百緡  
又發其詐弊罪經手者始立新籍凡解到錢帛郡治  
檢識乃下庫以四季月點視輸上  
司始絕侵欺視  
倉不足儲貯拓造數十楹踰月以辦其餘則驛馬素  
不聚擁散廐多瘠始櫪留驛傍責飼肥健織帛歲三  
千有奇黠者每欺其黨與掌局者分利帛多不中式  
則聚工人爲經緯防閑微密指授詳悉所造皆精好  
常先期至行省較諸路爲最有嚴切得法之寶巡  
哨船久不給直則校簿書悉貯之遇脩補翕然聽命

食鹽舊計口官鬻多寡虛實不等貧民病之始更命  
里正從實驗口自鬻比舊加二千餘引民歸而戶口  
增因是可見自往歲大饑疫不墾之田爲數尚餘三  
百七十六頃督責州縣至是盡耕農勸而田野闢於  
是可徵吁公之善政斯爲備矣漢世三公多取之郡  
守蓋親民之效有迹而易見若非九卿八校輩各脩  
其職而已公之聲績爲縉紳表內外重任闕人輒以  
擬公未幾果陞嘉議大夫福建都轉運鹽使今去是  
邦民欲如古之借留而不可得則伐石刻功其能已  
乎古之傳循吏者稱鄭子產子產信賢矣然鄉校讟

囂與入誦之入而後服其善公至郡不踰時而學校  
紀公百姓懷德抑賢於子產也哉世人皆知公清白  
無私此則不書蓋非是以本安能用其長材敏識  
以至斯也耶公名郁字文卿泰定四年十月望日記  
岱山場鹽司管勾鮮于桂 忠顯校尉同知奉化  
州事致仕孔守澄 承務郎泉州路稅課提領致  
仕徐應舉 將仕郎前建昌縣尹史侃伯  
史經孫 趙良 邾源 胡元隆  
敖元齡 鄭壽翁 沈仲 立石  
新建南臺鹽倉之記

資德大夫江浙等處行中書省左丞張思明篆額  
中奉大夫福建道宣慰使都元帥李 允中 書  
承事郎福州路候官縣尹致仕黃 文仲 記

閩越郡有八四瀕海四居山凡民食之最急者以鹽  
佐米也海郡之鹽官賣給以時山郡之鹽商販支以  
次所以止私行公平價足用其要又在乎撙節出納  
故鹽倉大爲漕法之根本三山乃福建都會

朝廷命立漕臺於此歲辦引鹽一十三萬內撥四萬南  
給三郡軍民食用餘九萬海運至南臺倉漕使親帥  
其屬會計之舊倉敖少且隘僅貯一萬五千餘引船

至有半載不得收者頓鹽水上殊不便溪鼠之竊逃  
江豚之起舞暮夜不寧維倉之故泰定丁卯冬

運使郭公嘉議下車視倉驚曰民有十金貨必謹伺  
鑰觀茲苟且司存謂何向守慶元官糧缺廩郡務百  
窘猶勉令有司搆倉五十間今職專鹽事又奉

詔不便事宜聽令區畫敢不報稱公乃獨任其勞必欲  
不動官錢不煩民力謀之僚屬未決有鹽商告曰淮  
浙兩漕每歲商人於買鹽正價外一引別入寶幣一  
貫爲修倉錢遂舉例聞行省從之是歲買引者樂助  
不下萬緡公登倉後度地塹山平土作二層定爲倉



三十間前倉列楹二十後倉楹十其深楹五中爲廊  
階達上下餘悉爲教因高累石繞以欄檻砌墻疏溝  
聯亘周密復葺舊倉如新工直物價一視民間例始  
事春季迄功夏季南望江臯如畫誰不曰漕臺有人  
旣成凡隸于倉者咸相慶曰自今鹽舟在溝不虞風  
濤鹽袋在教不憂沙土運者販者食者驟受惠彼樂  
助者商也而有君子之心商曰吾曹以百爲助何敢  
曰惠行其言成其事者部使者郭公之功也公聞  
之曰商之言義而足徵吾雖曰善而僚屬贊我亦曰  
善行省從我又曰善新倉之成上下共之況區畫事

耳之言自天而降臣子何敢自以爲功亟宜光昭  
聖天子仁心仁聞永示遐遠衆曰諾請勒于石公諱郁  
字文卿喜建事功有定力無私心所至有茂績大梁  
人也天曆一年六月朔記 耆儒 余振玉

陳碩叟 丁韶鳳 李龍高 立石

福建等處都轉運鹽使

復齋郭公愛思碑

承事郎福州路候官縣尹致仕黃文仲撰  
承直郎前延平路總管府推官林興祖書  
奉訓大夫興化路總管府判官林定老篆額

古之仁者不言財義者不言利今以好仁好義之人而司曰財曰利之事是難爲也使財出於人力而民無惡利歸於天府而民無怨由無惡而至於愛由無怨而至於思是又難得也爲難爲之政而得難得之情詎非難有之人乎苟所行外仁義則蚩蚩者何愛何思夫仁義自學中來卅之學而仕仕而學者何敢曰無吾於閩鹽而見卿大夫之賢者一人焉能知正德利用厚生之道大有異於海王篇之霸術也閩古之荒服今視同侯綏土地不加廣而生齒日蕃郡有八山海各四其民病於鹽海民給食於官以近故或

多而餘山民鬻食於商以遠故或少而之餘與乏每  
蹊私以入犯無虛實累系然魚肉乎饕者之服天矜  
于民泰定丁卯冬

朝廷命左相河南王性齋之客汴郭公郁爲福建都轉  
運使字文卿好讀書尤長於易號復齋在易之繫辭  
言仁則曰百姓日用而不知言義則曰理財正辭禁  
民爲非公以此道修益之法凡貪風弊政傷仁害義  
無益於上有損於下者悉條理之乃總事權觀土俗  
究利病親同僚採長畫用能吏束麓卒飭場官恤亭  
戶實官本信期約罷增餘省催煎廣南臺倉五十間

以便運船料下四路民食八萬引以充三二之歲課  
餘五萬發上四路以業什一之行商其徑隧之蠹負  
浦嶼之鬻帆素爲盜販者今斂迹巡捕惟責司縣罪  
越告而譁者窮真元止留其身削夢詞而寃者鮮案  
無滯積獄無枉囚且離物之在八州也戶戶日不脫  
口事宜繁而訟轉少仁財義利之效已可以見所學  
矧內不聞私人之名外不覩私謁之迹如此而仕真  
可謂難有者矣予每與鄉閭三二前脩談道而衰退  
沉晦莫克舉揚治公久任將歸郡士民耆老巾笏雜  
遡踵門謂余曰代等群告於有司曰漕運事重民易

惟于辜自郭嘉議公爲山海清寧咸德之衆欲功  
堅以存久遠愛恩之心也告錄事喜曰尔民懷恩思  
報俗之至美也孰汝止尔首擇鄉有齒德言足聽聞  
之人爲尔文其辭意老丑不謝閑年開八神恩尚可強  
幸毋遜余曰錄事張將仕後進士也必樂成人之美  
然郭公爲人孝友廉恕有弟三人初未成立惟兄是  
賴既有家而仕公復以口所有良田八百餘畝爲義  
學田教養兄弟四家子也立約聞官傳諸遠家事如  
此其治何有於爲政向以浮梁高郵四明三郡牧守  
脩已化下平政愛人饒則發倉振則遣醫造橋濟衆

建學育才能父能母即亡之召杜也及食江右憲洗  
寃澤物靡狼靡狐則今之張綱也嘗貳浙漕亟請減  
課今復推其所為又鮮干之福星也困楮束管安得  
為汝脩述衆曰公勲業昭大壽弥昌異日自有青史  
吾耻庶片石繼廣幾何第述衆情作今詩勒于上使  
塗人歌之如其心之所以愛所以思則足矣余是其  
言為之詩曰

大元法乾

包羅萬方

遐荒述壤

愛同中邦

閩極南東

廣斥迤海

厥賦惟鹽

民利民害

弊作於官

禍延於私  
毒如蛇虺  
蒼蒼之耳

變賊爲苦  
微中輒斃

涅白爲緇  
瞽瞍之聲

帝命郭公

曰惟汝諧

以義爲利

以仁發財

欽承而來

衡尺聞見

漕得其方

民樂其便

牢盆數足

何有增餘

期限法信

何有催呼

海郡戶給

憂壅憂闕

稱家以散

使買者悅

山多竊販

泄商之財

蹊通路

以誘其來

塲無風雨



自曬自煮

漆倉便運

零局供旅

分印遣屬

巡部止姦

嚴責州縣

尔無我煩

邪無虎俵

囚無魚貫

幕府贊成

天在几案

鹽戶喜曰

生產海鄉

鹵事孰便

官界我本

如課曝煎

上有福星

吾何慮焉

船戶喜曰

籍屬於漕

運海有次

抵倉輒入

公命歸去

更番有日

且魚且捕

商者喜曰

吾浮陰載重

入貲取贏

公客我主我

優我成我

利孰我爭

人民則曰

有食無鹽

何蔬何肉

有鹽佐米

糲鹹可粥

口賦日幾

什伯家足

毋以私自毒

使公頌處

公仁使人愛

公義使人思

一意

五載于茲

愛之思之

之

傳和箕鹹

禹始貢海

相業

何取管仲

望海思公

公壽如海

長佐

龍

永光此碑於閩中

至順二年歲在辛未四月吉日記者儒余振玉

潘潛

洪華伯

鄭晉卿等

士民張孔明

潘天福

王君澤

施元第

趙同祖等立名

諸與書啓

嘉興葉知本書

嘗讀漢史見孝武帝遣直指使者暴勝之衣繡持斧  
逐捕盜賊至渤海郡文學雋不疑伏謁公門勝之躡  
履起迎不疑一見即進戒曰凡爲吏太剛則折太柔  
則廢威行施之以恩然後立功揚名永終天祿勝之  
敬納其戒爲霽刑威問當世所施行遂表薦不疑以  
至大官夫暴勝之以天子之使行天子之法尊如神  
明威如雷霆而能降志於布衣雋不疑以章句之儒  
一分之士而能言動公卿身登顯仕至今賓主之光

照耀史冊知本庠序諸生貢卜閭里行年七十有五  
矣瞽廢無用於時稔聞閭下之威名德望如仰斗  
山邇者輶車此來奉行法令搏擊豪強鏡照群姦  
雷行一道大夫民士莫不曰神明之政也天下之大  
賢也此僕所以願一望君子之光而竊有請焉夫  
鹽法之弊居今爲極矣天生五材水作醢而爲鹽土  
作計而爲稼穡皆天所以資民用者也帝王盛時未  
嘗以鹽爲利至漢武用兵海內虛耗乃以桑孔賈豎  
小人而行牢盆之法鑄鐵爲盤官取其價若井後世  
盡奪民利者也然當時賢良文學之議猶欲罷之焉

呼國用不足不得不取之於鹽爲國理財取天地之  
養民者罔之資國仁人君子於此當何如其用心哉  
廢法虧課固不可也盡法傷民亦不可也惟仁人君  
子能識天地之心能推帝王之仁能理國家之財能  
用朝廷之法相公儒者也仁人君子也此僕所以  
敢進其草茅之言也今

國家政事無闕駸駸太平獨鹽之弊日深一日倘使房  
杜姚宋爲相必須改更閣下居此數月矣采之興  
論竊聽政聲以爲明公清名儉德有如揚綰其進  
而相天下無疑蓋不止於一運官也所以敢援雋

不疑故也伏謁 庭下惟 相公察焉

吉安王持福書

司馬公曰風俗天下之大本教化國家之急務蓋教化既立則風俗可移風俗不變則禮樂可興禮樂既作則太平之氣象可見方今天下之病在於人心澆漓風俗薄惡爭訟繁起刑罰不中儻非崇德化於政事之間則上古淳厚之風何時而可復耶持福草野微生粗知名教之樂思與天下共之由是憤世俗之日偷痛拯教之無術十有餘年于茲矣曩不自揆兩

書於

憲使分司相公之前俱荷采紀允其所陳雖畧見之  
施行終無補於弊倖因竊自思經曰善政不如善教  
之得民也輒不揆量抒其管見集經傳垂世立教之  
文達官君子行事是非之迹善善惡惡天人感應之  
理有益於民彝世教風化政令者八十餘則纂集成  
編名曰官民益鑒蓋有取於國風之什主文誦諫之  
義上自公卿大夫下至吏士百姓覩是編者皆可  
有益於已寔足爲聖門直諒多聞之助者竊惟美化  
淳移風益俗實吾儒分內之事而明德新民俾皆  
於至善則非偉然德重於當世者不足與有爲也



憲使分司相公先生派衍汾陽秀鍾泰嶽學守周程  
之正志期韓范之勲寬裕有容威而不猛芹宮借重  
化雨一新凜然吾道之綱維屹若中流之砥柱持福  
快瞻台炳臨照青原傾心高邁之風式慶難逢之會  
敢以愚賤所著書編冒昧陳獻倘蒙采擇以爲可用  
特與主張申明鋟梓以廣其傳庶俾覩是編者有所  
感發於心戒謹恐懼見善思齊同歸於善人君子之  
行德化周浹民變時雍其於

國家治道不爲無補持福幸固化日受厘爲氓緬想  
九重無由上達拳拳忠愛願因閣下陳之

啓

海鹽州儒學教授陶璞啓

右璞啓伏以堯海功深恢

億萬斯年之

國課得人望重振二十四考之家聲遐邇相安見聞

交慶仰惟

同知運使相公浩氣凌霄精忠貫日山橫青玉案少年志篤於登窓花對紫微郎壯歲名香於鳳治式際風雲之會雙承

雨露之恩才足以治劇剝繁德足以廉頑敦薄迎候

作守允多竹馬之童先隗爲師卓冠金臺之士天生  
賢之不偶地因人而愈崇高柔乃棟梁臣將大用矣  
陳恕真蠶鐵使姑少試之掃舊弊則古與今而一新  
建長策則

國與民而兩便胸中貯一壺之冰雪如水益清筆下起  
萬竈之風雷熈波出素秋毫無擾春意甚濃容衆尊  
賢笑燕雀安知鴻鵠抑強扶弱驅豺狼不問狐狸禁  
蓮渖之私藹棠陰之庇平反數訟漢廷尉民自不冤  
增羨多功唐劉晏才何足比如弘羊者聞風投印而  
去相司馬者即日補袞而歸披襟當之舉笏賀矣璞

誤切

溫綽溫占冷種學居海之濱欲厚倫而移俗

詔自天而下常重道以崇儒奈何千百載鄉校養士之  
公田陷爲十數都竈戶肥家之私產 上司之催租  
雖切各佃以辦課爲由不輸一粒之糧盡歸已有弗  
畏三尺之法莫敢誰何致公廩之常虛有奇字而難  
煮豈特廣文之飯不足待哺者多自歎淵明之琴無  
絃知音者少雖曰不求飽求安者君子之志尤當思  
有教有養者

聖化之仁今大明幸遇於

台星如久旱忽逢於

甘雨

主張公道以嚴其令

懲戒豪頑以警其餘催積歲之逋蘇多士之涸吾豈  
匏瓜而不食願報

公恩

爾惟鹽梅以和羹佇觀

相業特茲申覆伏望

丙原

璞頓首再拜謹呈

白鹿書院山長樂祀啓

右祀啓伏以兀兀窮年方自愧太學先生之誨行行  
且止忽傳聞驄馬御史之來知我

公素持大造之

陶鎔故小子敢飭細夫之竿牘捫心媿甚藉手裴然  
茲蓋伏遇

僉事相公正直公平風流儒雅形勞案牘稼精三語  
於中書平把州麾事備五能於兩浙廉聲外役寵眷  
上隆故遴居清要之間特重以憲司之貳新吏風聞而  
瞻落威振江湖疲民覩望以心歡化行田里南土之

蒼生何幸西山之爽氣頓增爰命使軺載馳郡驛咨  
諏撫建循涉江匡閭閻無愁嘆之聲囹圄去空虛之  
喜仁明章德便如荆郡之喬卿矜恕斷刑復見潁川  
之廷尉不謂書堂之僻亦加衣繡之榮芹藻輝光松  
篁德色如杞者一生寒士十載冷官忝爲鹿洞之來  
游歌有媿瑞乏簪堂之應教養無方適逢勉勵之加  
實托忤懽之賜願歸藥籠以盡樗材誦廬山幾千仞  
高永記遊觀之盛歷中書二十四考再臻福壽之多  
飯倚采深敷宣罔旣

臨汝書院前山長郭增啓

右增啓伏以季夏平反所至作分司之雨蒼生蘇息  
載拜慕古人之風雖與天爲徒不如我同姓使丘垤  
敢類於泰岳是螻蟻輒擬於大鯨今披霧而覩青天  
斯凌雨而幪廈屋茲蓋伏遇

廉使分司相公先生 胸蟠千古肩拍九霄道德乃  
其初心文章固其餘事盛名之下不以泰山北斗而  
自高直道而行真若烈日秋霜之可畏

朝廷深知治行原隰遠有光華一介不以取人片言可  
以折獄如鷹鷂之逐鳥雀當豺狼不問狐狸叱咤生  
風雲磊落掀天地請從論世林宗距今千三百年何



以祝 公子儀在昔已二十四考適逢次度因叙黃  
緣如增者宇宙孤蓬風霜半世心懼家聲之殞額點  
龍門而歸旅京華而扣門相國禮之過矣隨先生以  
入學大夫羅而致之以臨汝之三年無報

君之一髮然飢寒如故而骯髒若新顏淵問爲邦亦粗  
聞行道之要子張學干祿無以備載質之謀惟以仁  
人之言博哉願譬草木之味同也顧非如明復謁文  
正丐以三千俸之雖有若崇韜拜汾陽初亦一人身  
尔故持淺語仰冀深恩惡乎然惡乎不然然於然者  
取物固有可以與可以無與與所與者於惠何傷情

見于辭愧浮于感

安成下士李廷傑啓

右廷傑啓伏以驅馳六轡瞻皇華禮樂之新竦震百  
城傳刺史檐帷之舊允謂自天而下歡騰大江之西  
廷傑聞國僑采士論之否臧孟博因民謠而按舉惟  
不盡拘於常制故能深得乎隱情自慚星庶之微仰  
瀆台躔之重竊惟吏治不聞鄉論之辭舉而後胥吏  
變爲市籍之課愆至如安成農多士典率皆無賴  
是有名交官長有甚於姻家視衙門不殊於私室  
賄賂而陰持州柄招詞訟而公害鄉民告隱糧則巧

程頭連甲移乙乙移丙遇科差則視爲奇貨十取百  
百取千如徵官租尤爲己利欲行結攬之策輒借呈  
點之名嚴責限期高擡時直府廩無由而徑達糧戶  
悉在其牢籠忍聞鴻鴈之哀鳴徒飽豺狼之齧噬剥  
膚已盡摧髮難言茲蓋恭遇

廉訪僉使相公

閣下

一道福星諸生北斗器識俊接

朝士旣擢其資才厥德仁明百姓喜見其容貌宛然  
世美如此家聲矧禮賢誨士之規如常衮之察福建  
而正心誠意之學猶紫陽之憲浙東風俗將自此而  
還淳人才亦由斯而輩出粵若澄清之志卓乎施發

之方宜升車之慨然有解印而去者民稱爲父吏服  
若神喜得真儒會見 京師之蒙福遠繩祖武端爲  
社稷之名臣此實輿情非敢私佞如廷傑者賦材迂  
拙况值平生之數奇托地孤寒誰念道傍之味苦卑  
栖羣布粗襲箕裘柰何刻木之侵漁幸覩 埋輪之  
揚激日月有明光必照顧下及於覆盆草木無聲撓  
之鳴敢自同於珥筆其爲版嚮無任悚惶

醫生臨江楊叔清啓

右叔清啓伏以望函關紫氣之來昔曾半面仰少微  
法星之次今有二天自惟一介之寒微及此三生之

幸會企瞻霄漢俯竭涓埃恭惟

憲使相公

閣下

昭代元臣中州閭氣全體大用之學

經文緯武之才言肅官箴示百僚之楷範手提天憲  
振十郡之宏綱民物昭蘇乾坤泰定好賢若渴豈辭  
擢髮吐哺之勤疾惡如風不負攬轡登車之志小人  
洗心而易慮君子振衣而彈冠西江之波浪已平  
北闕之風雲伊邇風流慕尚豈徒效折角之中勲業  
輝煌成願紀中書之考肆今么麼亦玷鈞陶伏念  
叔清浪跡半生折肱三世牛溲馬勃長懷不售之方  
蝸角蠅頭自取乾忙之苦往歲漫遊於彭蠡獨曾下

拜於荊州十年羈旅之窮途千載平生之奇遇遂叨  
進謁例辱甄收貴匪參苓願在狄公之籠賤同草芥  
冀申駿箴之言干冒威嚴第深恐悚

建安進士張復啓

右復啓伏以天開文運五星奎壁之聯輝人仰

漕臺百仞冰霜之高潔謹裁子墨敬瀆典義切謂

和羹惟鹽梅有宰相調元之味蒲門種桃李願

東君造化之恩況當盛治之休明喜其羣材之彙

進賢士自郭隗始久已築於金臺孺子匪張

良徒今幸逢於黃石百年幾見千載一時茲蓋

伏遇

運使相公復齋先生

閣下

間世真儒

中朝元老夙

振

憲綱於栢府暫膺

使節於榕封

二十四考

中書行矣接

汾陽之武

五百餘歲

道統灑

然聞

夫子之文雖借潤以作鹹每自甘於守淡飛

霜積雪

寒光散八郡之嚴煮海熬波羨課無一毫

之擾曰

正誼而不謀利由

明德以至新民後將

出綽以宣麻尤喜拔茅而連茹伏念復自少也賤不

堪其憂頃隨鶚表以薦升獲奉

龍輝而奏對

君寵母恩俱未報素無溫飽之謀宦情羈思共淒迷  
慣識寒酸之味載蒙

宸命叨錄福城三司一路之按臨十萬戶口之攸繫  
敢不勉思補報益勵進脩惟其掣肘於其前庶得盡  
心於其下有人民有社稷願分餘暇以讀書以德禮  
以政刑期與相安於無耻孰爲諸地賴有 二天惟  
大賢無所不容俾小子亦宜有造與其進也能勿誨  
乎克

國賓利用于

王旣得贍於



日月觀遠臣以其所主誓無忝於門牆庸王于成  
啗環以報謹啟